

Edisaun Da-sia

TATOLI! 2025

LEVANTAMENTU IDA KONA-BA POVU TIMOR



Edisaun Da-sia

TATOLI! 2025

LEVANTAMENTU IDA KONA-BA POVU TIMOR



Tabela Konteúdu

Introdusaun	3
Metodolojia	7
Problema Prinsipál no Preokupasaun ne'ebe sira Hasoru	10
Kapital Umanu no Sosiál	20
Dezenvolvimentu Infraestrutura	28
Dezenvolvimentu Ekonómiku	32
Remesa sira	44
Enkuadramentu Institusionál	48
Mídia	62
Seksaun Espesial: Dijitalizasaun	68
Aneksu	84



Fundasaun Ázia ninia *Tatoli! 2025 Levantamentu Ida Kona-ba Povu Timor* no publikasaun ida ne'e mak parseria ho Governu Australianu liu husi program Parseria ba Prosperidade Inklusivu (PROSIVU) no jere husi DT Global. Opiniaun sira ne'ebé ható'o ona iha publikasaun ida ne'e nu'udar autór sira nian de'it, no la nesesariamente reflete opiniaun Governu Australianu ka PROSIVU nian.

Foto kapa nian husi Mariano Goncalves.



Introdusaun

Antesedente

Desde 2013, *Fundasaun Ázia*, ho apoiu husi Governu Australia, halibur ona opiniaun populasaun Timor-Leste nian liuhosi Tatoli! Levantamentu ida kona-ba Povu Timor (*Tatoli!*) Levantamentu dezenvolve ona iha dékada ida liubá atu hamosu dados relevante ba política kona-ba interesse no prioridade sira husi públiku Timoroan.

Relatóriu ne'e apresenta deskobrimentu sira edisaun da-sia levantamentu *Tatoli!* nian, ne'ebé halo ona hosi loron 3 ba 27 Feveiru 2025. Fundasaun servisu parseria ho Institutu Nasionál Estatística Timor-Leste (INETL) no organizaun sosiedade sivil 14 nu'udar membrus Rede Peskiza no Advokasia Timorens (TRAIN). *Tatoli!* 2025 entrevista ona adultu 1,503 (18+) hosi munisípiu hotu 14 iha Timor-Leste, ne'ebé fornese rezultadu representativu sira kona-ba nasaun ninia populasaun adultu, ho marjen erru $\pm 2.5\%$.

Levantamentu *Tatoli!* 2025 kapta ona informasaun kona-ba populasaun nia persepsaun sira kona-ba:

- ◇ Dezafiu prinsipál sira ne'ebé hasoru ona iha nivel nasional, comunidade no individual
- ◇ Bem-estar ekonómiku no kontestu ekonómiku
- ◇ Saúde
- ◇ Edukasaun
- ◇ Dezenvolvimentu infraestrutur
- ◇ Relasaun ho nasaun sira seluk
- ◇ Governansa no envolvimentu siviku
- ◇ Protesaun, seguransa, no justisa
- ◇ Remesa sira
- ◇ Asesu ba mídia no informasaun.

Edisaun *Tatoli!* ida ne'e mantein pergunta prinsipál barak hosi tinan hirak uluk nian, atu permiti komparaun lonjitudinál no akompaña mudansa atitude no prioridade sira públiku nian durante tempu. Aleinde pergunta prinsipál sira ne'e, *Tatoli!* regularmente inklui seksaun espesial sira atu responde ba kestaun kontemporânea sira no prioridade emergente sira. Edisaun sira uluk levantamentu nian halibur ona dados persepsaun kona-ba eleisaun parlamentár no prezidensial no atributus lider polítiku sira nian, pandemia Covid-19, no resposta governu nian ba estragu sira inundasaun boot 2021 nian.

Atu antisipa avansu lalais iha konetividade dijitál, *Tatoli!* 2025 inklui seksaun espesial ida kona-ba dijitalisaun, ne'ebé kobre asesu ba internet, utilizaun no komportamentu sira. Levantamentu ne'e fó konjuntu dados komprensivu iha nasaun tomak hodi explora oinsá ema Timor envolve ho espasu online iha dimensaun oi-oin, hahú hosi seguransa online ba servisu finanseiru sira.

Levantamentu *Tatoli!* tinan ida ne'e nian mós habelar ninia kobertura kona-ba persepsaun relasiona ho seguransa, protesaun, no justisa. Pergunta sira ne'e alina ho Levantamentu Persepsaun Seguransa, Protesaun no Justisa ne'ebe Fundasaun hala'o iha tempu naruk dezde 2008, no ikus liu hala'o iha 2022, hodi permite perspectiva longitudinál ida.

Konsistente ho edisaun da-walu *Tatoli!* iha 2023, relatóriu ne'e estruturadu hanesan ho Timor-Leste ninia Planu Estratéjiku Dezenvolvimentu 2011-2030 (PED). Aproximasaun ida-ne'e foti hodi apoia utilizaun fasil ba utilizadór dados sira, inklui polítiku sira, governu, sosiedade sivil, parseiru dezenvolvimentu no comunidade internasionál sira, bele akompaña progresu husi persesaun sira. Presiza nota katak la'ós área temática hotu-hotu PED nian kobre iha dados no pontu dados *Tatoli!* balun monu fora husi PED.

Resposta sira ne'ebé halibur iha levantamentu ne'e representa partisipante sira-nia opiniaun pesoál. Amostra ne'ebé adekua no marjen erru ne'ebé temi asegu katak dados ne'e konfiavel no válidu, maibé tenke konsidera limitasaun ba dados persepsaun iha interpretaun. Persepsaun sira-ne'e inerentemente subjetivu, tanba bazeia ba individuál nia esperiênsia no sirkunstánsia moris iha tempu koleasaun dados. La komún ba persepsaun atu hatudu tendênsia pozitivu liu, tanba individuál sira bele fó resposta sira ne'ebé hanoin katak sosialmente aseitavel liu.

Adisionalmente, enkuantu levantamentu persepsaun sira fornese hanoin sira ne'ebé útil, sira la'ós nesesariamente bele esplika tanba saida maka respondente sira sente oinsá sira halo sente hanesan sira halo.

Levantamentu *Tatoli!* hala'o iha inisiu 2025, kuaze tinan rua dezde inisiu Governu Konstitusionál da-IX. Liu tinan kotuk, Produutu Internu Brutu (PIB) kresimentu haforsa ba 3.3%, no inflasaun hamenus maka'as. Iha Agostu 2024, Timor-Leste tama iha Organizaun Mundiál Komérsiu (OMK) hanesan nia membru ba dala 166, no depois iha 2025 nia sei sai membru plenu ba Asosiasaun husi Nasaun sira Sudeste Aziátiku nian (ASEAN), istóriu marku sira iha nia dezenvolvimentu ekonómiku no integrasaun rejional. Depois de 2024 nia rohan, servisu internet satélite ho velocidade aas liu sai disponivel iha Timor-Leste, no nasaun nia fibra ótika submarinu ne'ebé hein kleur ona hein katak kabel sei sai online iha tinan ida-ne'e nia rohan. Maski iha dezenvolvimentu pozitivu sira-ne'e, esforsu sira ne'ebé la'o hela atu habelar infraestrutur, hadi'a prestasaun atendentu públiku, hasa'e inklusaun finanseira no promove sivika partisipasaun kontinua sai esensial.

Iha kontestu ida-ne'e, dados persepsaun públiku nian bele suporta governu no dezenvolvimentu parseiru sira hodi forma política no programa sira ne'ebé responde ba nesiedade no prioridade sira husi Timoroan, partikularmente importante hanesan nasaun ne'e tama iha faze foun ida hosi rejional integrasaun no konetividade dijitál.



Metodolojia

Dezeñu Amostra

Levantamentu *Tatoli!* 2025 entrevista ho ema adultu 1,503 (18+) hosi munisípiu 14 hotu-hotu. Amostra ne'e kompostu ho mane 762 no fetu 741. Amostra ne'e estratifikadu tuir munisípiu no lokalizasaun urbanu ka rurál uza estimativa populasaun ikus liu hosi Sensus Nasionál Populasaun no Umakain Timor-Leste 2022.

Fundasaun servisu hamutuk ho Institutu Nasionál Estatística Timor-Leste (INETL) hodi dezenvolve estrutura amostrajen ba *Tatoli!* 2025. Fundasaun uza área sira enumerasaun Sensus Populasaun no Umakain Timor-Leste 2022 (área jeográfiku ki'ik sira ne'ebé define bazeia ba tamañu populasaun) nu'udar agrupamentu ba levantamentu ne'e. Hili áreas enumerasaun ho forma aleatóriu, ne'ebé estratifika bazeia ba lokalidade munisipál, rurál ka urbanu, bazeia ba klasifikasaun rurál-urbanu ne'ebé INETL uza. Iha kada área enumerasaun nia laran ne'ebé hili ona, hili amostra uma-kain aleatóriu ida, ho lista uma-kain INETL nian.

Hafoin kolesaun dadus, halo ponderasaun ba dadus atu sai representativu ba populasaun adultu Timor-Leste nian. Bazeia ba eskema ponderasaun sira uluk no informasaun disponivel iha Sensus Timor-Leste 2022, uza ona variável haat tuir mai ba ponderasaun: jéneru, idade, munisípiu no alokasaun urbanu/rurál.

Oinsá Hala'o Peskiza Ne'e?

Levantamentu Persepsaun Públika *Tatoli!* 2025 iha Timor-Leste hala'o entre loron 3 no 27 Feveireiru 2025. Ekipa Peskiza Fundasaun nian dezeña no kodifika kestionáriu levantamentu nian ho tableta Entrevista Pesoál ho Asisténsia Komputadór/Computer Assisted Personal Interview (CAPI). Ekipa sanulu-resin-haat kompostu ho enumeradór 68 hosi Rede Peskiza no Advokasia Timor-Leste/Research and Advocacy Network (TRAIN) halo ona entrevista direta iha nivel uma-kain. Fundasaun lidera garantia qualidade durante no hafoin levantamentu dadus.

Marjen erru

Ba Levantamentu *Tatoli!* 2025, halo ona levantamentu ba amostra aleatóriu estratifikadu ida ho respondente 1,503 iha munisípiu 14 hotu-hotu. Iha nivel nasionál, marjen erru máximu amostra aleatóriu estratifikadu nian ba respondente 1,503 iha intervalu konfiansa 95% mak $\pm 2.5\%$. Dezeña ona metodolojia levantamentu atu fó marjen erru adekuadu ida ba objetivu levantamentu nasionál. Marjen erru nivel munisipál signififikativamente aas liu.

Defini Defisiénsia

Hanesan ho versaun levantamentu sira uluk, *Tatoli!* 2025 uza Konjuntu Pergunta badak sira Washington Group nian kona-ba funsionamentu atu kapta informasaun kona-ba prevalénsia defisiénsia nian iha Timor-Leste.¹ Pergunta sira ne'e kobre nivel difikuldade relata-rasik iha domínio funsionamentu neen: vizaun, audisaun, mobilidade, kognisaun, kuidadu-a'an no komunikaun. Tuir matadalan Washington Group nian, respondente ida ne'ebé relata difikuldade ka inkapasidade nivel aas atu halo pelumenus funsaun ida hosi funsaun sira ne'e konsidera nu'udar iha defisiénsia ida. Bazeia ba metodolojia ne'e, respondente levantamentu 125 (7%) (mane 54; fetu 71) iha defisiénsia ida.²

¹ The Washington Group on Disability Statistics dezenvolve ona the Washington Group ninia Konjuntu Badak ba Funsionamentu (WG-SS) atu uza iha sensus no levantamentu sira. Pergunta sira ne'e nu'udar métodu rekoñesidu iha mundu tomak atu kapta informasaun kona-ba difikuldades ema ida bele iha bainhira hala'o atividades funsionamentu bázik. Dezeña ona pergunta sira atu bele aplikavel iha mundu tomak atu masimiza komparabilidade internasionál. Haree: <https://www.washingtongroup-disability.com/>

² Proporsaun respondente ho defisiénsia hamutuk 8% hosi amostra bruto. Hafoin aplika ponderasaun estatística ba rezultadu sira, proporsaun amostra nian ne'ebé iha defisiénsia ida hamutuk 7%.



Nota sira Lee-nain nian

Iha relatóriu laran, hatudu rezultadu sira iha nivel jeral hafoin ponderasaun estatística. Diferensa sira entre grupu demográfiku sira (porezemplu, jéneru, idade, no lokalidade) ne'ebé deskreve ona iha komentáriu estatistikamente signifikativu iha nivel konfiansa 95%. Deskreve rezultadu sira kompara ho tinan sira uluk ne'ebe disponivel – Karik rezultadu sira tinan uluk sira nian la hatudu, ne'e tanba pergunta ne'e foin aumenta iha 2025 ka muda ona, nune'e labele kompara rezultadu sira ne'e.

Kór sira ne'ebe uza iha gráfiku balun atu hatudu ronda levantamentu diferente. Resultadu ikus hatudu ho kór nakukun liu.

Iha fatin balun, rezultadu sira bele la soma ezatamente 100% tanba arredondamentu. Bainhira ida ne'e akontese, rezultadu sira arredonda ho forma manúal ba 100%. Resultadus menus hosi 1% la hatudu iha gráfiku barras empilladas atu fasilita apresentasaun.

Resposta sira ne'ebé hatudu tipu la-responde (hanesan “La hatene”, “La aplikavel” no “Lakohi”) inklui ona iha baze iha relatóriu ne'e, hanesan ho tinan sira uluk. Kombina ona “La hatene” no “Lakohi” iha gráfiku tomak nu'udar “La hatene” atu fasilita apresentasaun.

Informasaun tékniku kompletu liu disponivel iha apêndise iha relatóriu ne'e nia rohan.

Problema Prinsipál no Preokupasaun ne'ebé sira Hasoru


Levantamentu Tatoli! 2025 husu respondente kona-ba sira-nia hanoin ba problema prinsipál sira ne'ebé sira hasoru nu'udar individuál, sira-nia comunidade, no nasaun. Husu mós respondente kona-ba saida mak sira hanoin nu'udar dezafiu boot liu ne'ebé feto, foin-sa'e, ema ho defisiénsia no minoria seksuál sira no jéneru hasoru iha Timor-Leste.

Opiniaun xave sira:

- ◇ Maioria respondente sira sente Timor-Leste la'o ba direisaun lo'os (no liu fali iha 2022).
- ◇ Rendimentu ki'ik, menus infraestrutura, menus oportunidade empregu qualidade sira, no menus bee/saneamentu mak sai problema prinsipál iha povu Timor.
- ◇ Edukasaun qualidade ladún di'ak mak preokupasaun boot liu entre sira ne'ebé hela iha kompara urbanu sira.
- ◇ Rendimentu ki'ik, menus infraestrutura no bee mós/saneamentu mak preokupasaun boot liu entre sira ne'ebé hela iha área rurál sira.
- ◇ Menus empregu mak konsidera nu'udar dezafiu prinsipál ne'ebé feto, foin-sa'e, ema ho defisiénsia, no minoria seksuál no jéneru sira hasoru, iha grau ida boot liu fali iha 2023.
- ◇ Violénsia doméstika sei konsidera nafatin nu'udar dezafiu prinsipál ne'ebé feto sira hasoru, maski iha grau ida ki'ik liu fali iha 2023.
- ◇ Hanesan iha 2023, respondente sira sente governu ninia prioridade tolu boot liu mak saúde, edukasaun no formasaun, no estrada. Maibé, 2025 mak tinan dahuluk iha ne'ebé saúde sai prioridade boot liu.

Diresaun nasaun nian

Maioria respondente sira (69%, sa'e hosi 37% iha 2022, bainhira ikus liu husu pergunta ne'e) konkorda katak Timor-Leste ohin-loron la'o ona ba diresaun loos. Maski konkordansia aas liu fali iha 2022, iha mós evidensia hosi aumentu ki'ik liu ida iha sentimentu negativu, ho proporsaun ne'ebé la konkorda mós aumenta (22%, sa'e hosi 17%). Mane barak liu (72%, kompara ho 66% feto sira) no respondente sira ho idade 55+ (76%, kompara ho 67% hosi sira ne'ebé ho idade 18-34) konkorda katak Timor-Leste la'o daudaun ba diresaun ne'ebé loos.



Problema no dezafiu sira ne'ebé nasaun, comunidade no individuál sira hasoru

Rendimentu ki'ik (53%), menus infraestrutura (36%) no menus oportunidade empregu kualidade (27%) mak konsidera nu'udar dezafiu boot liu nasaun tomak hasoru. La'os resposta hotu-hotu ba pergunta sira kona-ba dezafiu prinsipál sira ne'ebé hasoru iha nivel nasional, comunidade, no individuál komparável ho 2023.³ Maski nune'e, rezultadu sira hatudu dezafiu tolu hanesan boot liu ne'ebé observa ona iha 2023.


Iha 2025, rendimentu ki'ik mak preokupasaun boot liu entre sira ne'ebé hela iha kompara rural sira (56%, kompara ho 46% sira ne'ebé hela iha área urbanu sira), maibé preokupasaun boot liu iha area ne'e hotu. Ida ne'e mos sai preokupasaun bo'ot liu ba respondente idozu sira (60% sira ne'ebé ho idade 55+, kompara ho 49% sira ne'ebé ho idade 18-34) no sira ne'ebé laiha edukasaun formál (59%, kompara ho 51% sira ne'ebé iha edukasaun formál ruma).

Ein jeral maski la'os preokupasaun ida hosi preokupasaun tolu boot liu, maibé edukasaun kualidade ladún di'ak mak preokupasaun daruak boot liu ba sira ne'ebé hela iha kompara urbanu sira (39%, kompara ho 18% iha área rural sira). Edukasaun kualidade ladun di'ak mós nu'udar preokupasaun boot liu ida entre respondente foin-sa'e sira ho idade 18-34 (28%, kompara ho 16% sira ne'ebé ho idade 55+) no sira ne'ebé iha edukasaun formál uitoan (28%, kompara ho 14% sira ne'ebé la asesu ba edukasaun formál).

³ Iha 2025, levantamentu permiti respondente sira atu fó resposta detalladu liu, envés de agrupa resposta sira iha kategoria prinsipál sira

Menus infraestrutura mak preokupasaun daruak boot liu ba sira ne'ebé hela iha área rural sira (39%, kompara ho 29% iha área urbanu sira), respondente foin-sa'e sira ho idade 18-34 (38%, kompara ho 33% sira ne'ebé ho idade 35-54 no 34% sira ne'ebé ho idade 55+) no sira ne'ebé iha edukasaun formál uitoan (37%, kompara ho 31% sira ne'ebé la asesu ba edukasaun formál).

Menus oportunidade empregu kualidade nu'udar preokupasaun boot liu uitoan ba sira ne'ebé hela iha área urbanu sira (30%, kompara ho 25% iha área rural sira), respondente foin-sa'e sira ho idade 18-34 (29%, kompara ho 22% sira ne'ebé ho idade 55+) no sira ne'ebé iha edukasaun formál uitoan (28%, kompara ho 21% sira ne'ebé la asesu ba edukasaun formál).




Wainhira husu kona-ba problema boot liu sira ne'ebé ema hasoru iha sira-nia comunidade imediata, rendimentu kiik (49%) no menus infraestrutura (36%), konsidera fali hanesan problema boot liu, tuir tan fali mak menus bee mós/saneamentu (32%). Ne'e diferente uitoan hosi rezultadu sira ne'ebé rejista ona iha 2023, wainhira dezafiu bo'ot tolu mak rendimentu ki'ik, menus oportunidade empregu ho kualidade no menus infraestrutura.

Hanesan ho nivel nasional, iha 2025, rendimentu ki'ik mak preokupasaun boot liu iha nivel comunidade iha kompara urbanu no mos rural, no preokupasaun boot liu ida ba sira ne'ebé hela iha área rural sira (52%, kompara ho 42% iha área urbanu sira), respondente idozu liu sira ho idade 55+ (54%, kompara ho 46% sira ne'ebé ho idade 18-34) no sira ne'ebé laiha edukasaun formál (54%, kompara ho 47% sira balun ne'ebé iha edukasaun formál).

Nune'e mos, menus infraestrutura mak preokupasaun boot liu entre sira ne'ebé hela iha área rural sira (42%, kompara ho 22% iha área urbanu sira).

Éin partikulár, respondente balun sente katak violénsia, seguransa no violénsia doméstika (6%) mak dezafiu prinsipál ema iha sira-nia área hasoru. Maibé, bainhira husu espesifikamente kona-ba problema seguransa sériu liu ema iha sira-nia fatin hasoru, besik un-tersu (1/3) hatete baku-malu éin jerál (36%) ka violénsia doméstika (32%) (Haree seksaun Justisa no seguransa, pájina 57).



Hanesan ho nivel nasional no comunidade, dezafiu prinsipál sira ne'ebé individuál sira hasoru mak rendimentu ki'ik (56%), menus bee mos/saneamentu (30%) no menus oportunidade empregu kualidade (29%). Ida ne'e mos diferente uitoan hosi 2023, bainhira rendimentu ki'ik, menus oportunidade empregu ho kualidade no menus infraestrutura mak sai hanesan dezafiu tolu boot liu.

Hanesan iha nivel nasional no comunidade, iha 2025, rendimentu ki'ik mak preokupasaun boot liu ne'ebé ema sira hela iha área rural hasoru (60%, kompara ho 46% sira ne'ebé hela iha área urbanu sira), respondente idozu ho idade 55+ (61%, kompara ho 53% sira ne'ebé ho idade 18-34) no sira ne'ebé laasesu edukasaun formál (61%, kompara ho 54% sira ne'ebé asesu ba edukasaun formál uitoan).

Menus oportunidade empregu kualidade nu'udar preokupasaun boot liu ida ba respondente foin-sa'e sira ho idade 18-34 (32%, kompara ho 21% sira ne'ebé ho idade 55+) no sira ne'ebé asesu edukasaun formál uitoan (31%, kompara ho 20% sira ne'ebé la asesu ba edukasaun formál).




Problema no dezafiu sira ba feto, foin-sa'e no minoria sira seluk

Levantamentu *Tatoli!* 2025 husu ona respondente hotu-hotu saida mak sira konsidera dezafiu sériu liu ne'ebé feto, foin-sa'e, ema ho defisiénsia, no minoria seksuál no jéneru sira hasoru. Entre respondente hotu-hotu (la'os de'it feto sira), menus empregu (38%, sa'e hosi 4% iha 2023), violénsia doméstika (23%, tun hosi 40%) no seguransa no protesaun (13%, atu hanesan ho 11%) mak konsidera nu'udar dezafiu boot liu feto sira iha Timor-Leste hasoru ohin-loron.

Persepsaun sira kona-ba dezafiu sira ne'ebé feto sira hasoru hanesan entre mane no feto, maibé iha diferença balun bazeia ba idade. Respondente foin-sa'e barak ho idade 18-34 sente violénsia doméstika mak problema boot liu (25%, kompara ho 19% sira ne'ebé ho idade 55+), enkuantu respondente idozu barak ho idade 55+ sente menus empregu mak problema boot liu 44%, kompara ho 35% sira ne'ebé ho idade 18-34).


Hosi perspetiva respondente hotu-hotu nian (la'os de'it foin-sa'e sira), menus empregu (70%, sa'e hosi 3% iha 2023) mak to'o oras ne'e konsidera nu'udar dezafiu boot liu foin-sa'e sira hasoru. Mane barak liu uitoan (73%) konsidera menus empregu mak dezafiu boot liu kompara ho feto sira (68%).



⁴ Rezultadu sira ba pergunta ida-ne'e la komparavel ho 2022 tanba ida-ne'e husu hanesan pergunta resposta úniku iha 2022.

Entre respondente hotu-hotu (la'os de'it ema ho defisiénsia sira), seguransa no protesaun (37%, sa'e hosi 21% iha 2023) no menus empregu (24%, sa'e hosi 5%) mak konsidera nu'udar dezafiu boot liu ema ho defisiénsia sira hasoru. Maski sei konsidera nu'udar dezafiu boot liu entre ema ho defisiénsia sira, ema barak la ho defisiénsia sente seguransa no protesaun mak dezafiu boot liu sira hasoru (37%, kompara ho 28% ema ho defisiénsia sira).

Iha 2023, respondente sira konsidera seguransa no protesaun mak dezafiu boot liu ema ho defisiénsia hasoru (21%), tuir fali eskluzaun hosi sosiedade (15%), no asesu ba saúde no servisu sira (12%). Entretantu, iha 2025, 1% de'it hosi respondente hotu-hotu fiar eskluzaun hosi sosiedade mak dezafiu boot liu ba ema ho defisiénsia, enkuantu 5% identifika ona problema diskriminasaun relasiona nu'udar dezafiu boot liu. Éin partikulár, iha 2025, 10% ema ho defisiénsia fiar diskriminasaun hosi família ka viziñu sira mak dezafiu boot liu ema ho defisiénsia sira hasoru.



Iha 2025, ba dala uluk, *Tatoli!* mós husu respondente hotu-hotu (la'os de'it minoria seksuál no jéneru) atu identifika dezafiu prinsipál sira minoria seksuál no jéneru hasoru. Menus empregu (23%), seguransa no protesau (21%) no violénsia doméstika (13%) konsidera nu'udar dezafiu prinsipál sira.

Menus empregu kosidera nu'udar dezafiu prinsipál entre respondente barak ne'ebé hela iha área rurál sira (24%, kompara ho 19% iha área urbanu sira), respondente sira ho idade 35+ (31% sira ne'ebé ho idade 55+ no 25% sira ne'ebé ho idade 35-54, kompara ho 18% sira ne'ebé ho idade 18-34) no sira ne'ebé laiha edukasaun formál (29%, kompara ho 21% sira ne'ebé iha edukasaun formál uitoan).

Prioridade sira Governu nian

Bainhira husu respondente sira atu hatete prioridade tolu boot liu governu nian, sira identifika saúde (69%, sa'e hosi 50% iha 2023), edukasaun no formasaun (59%, sa'e hosi 52%) no estrada sira (58%, tun hosi 64%). Prioridade sira ne'e mós konsidera nu'udar proridade tolu boot liu iha 2023 no 2022, maski sira-nia klasifikasaun muda iha 2025, ho saúde mak prioridade boot liu ba dala-uluk.

Hanesan hatudu iha gráfiku iha kraik, respondente sira barak ne'ebé hela iha área urbanu sira sente saúde, edukasaun no mos formasaun mak tenke sai prioridade, enkuantu respondente barak ne'ebé hela iha área rurál sira sente infraestrutura, inklui estrada sira, bee no eletrisidade, mak tenke sai prioridade. Tema sira ne'e haree iha levantamentu laran.

DEZAFIU PRINSIPÁL 8 BO'OT LIU NE'EBÉ MINORIA SEKSUÁL HO JÉNERU SIRA HASORU



PIORIDADE 8 GOVERNUNIAN NE'EBÉ BO'OT LIU




Foto husi Pride Timor-Leste.

Kapital Umanu no Sosial

Levantamentu Tatoli! 2025 husu respondente kona-ba aspetu oioin kona-ba kapital sosial nian ne'ebé kontribui ba kualidade moris ein jerál povu Timor nian. Ne'e inklui sira-nia asesu ba no persepsaun sira kona-ba edukasaun no servisu saúde, inklusaun sosial no preparasaun ba dezastre natural sira.

Opiniaun xave sira:

- ◇ Maioria labarik sira partisipa eskola, no frekuénsia partisipasaun iha eskola nian sa'e kompara ho 2023.
- ◇ Maioria iha asesu ba klinika saúde ida bainhira deit sira presiza.
- ◇ Persepsaun sira kona-ba edukasaun no servisu saúde nian jeralmente pozitivu, maski aspetu balu haree ladún pozitivu kompara ho 2023.
- ◇ Ema sira ne'ebé hela iha área rural sira iha persepsaun pozitivu liu kona-ba servisu edukasaun no saúde kompara ho sira ne'ebé hela iha área urbanu sira.
- ◇ Maioria respondente suporta ba inklusaun minoria seksuál no jéneru iha vida pública, maibé sira-nia suporta iha limite.
- ◇ Preokupasaun kona-ba dezastre natural sira aas no iha proporsaun populasuun boot ida ne'ebé sente la preparadu atu responde ba dezastre natural sira.

Edukasaun

Edukasaun no formasaun mak prioridade aas liu daruak (59%, sa'e hosi 52% iha 2023) bainhira husu respondente saida mak sira hanoin tenke sai prioridade bo'ot tolu governu nian.

Hanesan anota ona, proporsaun boot respondente sente katak edukasaun kualidade ladún di'ak mak dezafiu boot liu iha nivel nasional (24%), iha sira-nia comunidade (18%) iha comunidade no ba sira pesoalmente (16%). Maibé, bainhira husu kona-ba dezafiu sira ne'ebe mak grupu espesífiku sira hasoru, respondente balun sente katak asesu ba edukasaun nu'udar dezafiu ida entre feto sira (4%), foin-sa'e sira (6%), ema ho defisiénsia sira (8%) no minoria seksuál no jéneru (4%).


Nivel Edukasaun

Trés-kuartus respondente sira (75%, hanesan ho 73% iha 2023) kompleta ona pelumenus edukasaun formál balun. Proporsaun sira ne'ebé kompleta ona pelumenus ensinu sekundáriu balun (42%) aas liu fali iha tinan uluk sira (36% iha 2023 no 32% iha 2022).

Iha 2025, menus um-kuartu labarik sira (23%) la eskola ka nunka partisipa eskola, tun hosi 26% iha 2023 no 29% iha 2022. Sira barak hela iha área rurál sira (30%, kompara ho 8% iha área urbanu sira), ho idade 55+ (60%, kompara ho 23% sira ne'ebé ho idade 35-54 no 10% sira ne'ebé ho idade 18-34) no ema ho defisiénsia sira (52%, kompara ho 21% ema laiha defisiénsia) la kompleta eskola nivel ensinu ruma.

Servisu sira edukasaun nian

Entre uma-kain sira ho oan ne'ebé idade ki'ik liu tinan 18, maioria (95%, sa'e hosi 90% iha 2023) tama eskola-liuliu eskola públika sira (71%). Labarik barak ne'ebé hela iha área urbanu sira tama eskola privadu ka eskola igreja nian (24%, kompara ho 9% iha área rurál sira).





Respondente sira ho oan ne'ebé eskola éin jerál iha persepsaun pozitivu kona-ba servisu sira edukasaun, partikularmente:

- ◇ Mestre sira mai eskola hodi hanorin (86% 'sempre' ka 'dala barak tebes', tun uitoan hosi 91% iha 2023);
- ◇ Labarik sira bele komprende lian ne'ebé mestre sira uza iha eskola (76%, hanesan ho 79% iha 2023); no
- ◇ Edifísiu eskola no fasilidade sira mós, seguru no kondisaun di'ak (78%, hanesan ho 77% iha 2023).

Nu'udar hatudu iha gráfiku iha kraik, respondente barak ne'ebé hela iha área rurál sira relata:

- ◇ Mestre sira konvida sira hodi diskute kona-ba rezultadus sira-nia oan nian (70%, kompara ho 65% sira ne'ebé iha área urbanu sira);
- ◇ Sira-nia oan iha asesu ba merenda iha eskola loro-loron (74%, kompara ho 59% iha área urbanu sira); no
- ◇ Sira-nia oan partisipa iha atividade extra-kurrikulár (57%, kompara ho 50% iha área urbanu sira).




Saúde

Bainhira husu respondente saida mak sira hanoin tenke sai governu ninia prioridade tolu ne'ebe boot liu, saúde mak mosu nu'udar prioridade boot liu iha 2025 (69%, sa'e hosi 50% iha 2023). Persentajen boot ida mós sente katak kuidadu saúde kualidade sei menus no falta ai-moruk mak dezafiu boot liu iha nivel nasional (18%), iha sira-nia comunidade (16%) no ba sira individu (17%). Maioria respondente sira (76%, laiha mudansa hosi 2023) informa sira 'sempre' bele asesu ka 'dala barak tebes' bele asesu klínika saúde ida bainhira deit sira presiza. Respondente ho rendimentu mensál liu \$500 (89%, kompara ho 70% sira ne'ebé ho rendimentu \$100-\$500 fulan ida no 76% sira ne'ebé ho rendimentu menus hosi \$100 fulan ida) informa asesu di'ak liu ba klínika saúde sira.

Persepsaun kona-ba servisu sira saúde éin jerál pozitivu, maski persepsaun sira menus pozitivu ba aspetu balun kompara ho 2023. Espesifikamente:

- ◇ Doutór no enfermeiru/a sira pruntu kualkér momentu bainhira sira-nia família presiza asisténsia médika (78%, tun hosi 83% iha 2023);
- ◇ Sira-nia família simu tratamentu médiku ho respeito bainhira ba sira-nia klínika saúde lokál (82%, tun hosi 87%); no
- ◇ Iha ai-moruk iha sira-nia klínika saúde lokál bainhira sira-nia família presiza ai-moruk (58%, tun hosi 72%).

Nu'udar hatudu iha gráfiku iha kraik, respondente ne'ebé hela iha área rurál sira iha persepsaun pozitivu uitoan kona-ba servisu saúde iha aspetu hotu-hotu kompara ho sira ne'ebé iha área urbanu sira. Rezultadu ida ne'e la hanesan ho saida mak observa ona iha tinan uluk sira, iha ne'ebé populaun iha área urbanu sira informa persepsaun pozitivu liu kona-ba servisu saúde. Rezultadu menus pozitivu entre respondente urbanu sira hetan hosi respondente sira hela iha Dili, ne'ebé informa persepsaun negativu liu kona-ba aspetu hotu-hotu kompara ho sira ne'ebé hela iha área urbanu sira ne'ebe fora hosi Dili. Padraun ne'e observa ona ba servisu sira infraestrutura seluk balun no bele reflète espetativa aas liu ba servisu sira durante tempu entre sira ne'ebé hela iha Dili.



Inkluziun sosiál

Defisiénsia


Levantamentu *Tatoli!* 2025 uza ona perguntas badak husi Washington Group nian kona-ba funsaun atu kapta informasaun ba prevalénsia defisiénsia nian.⁵ Pergunta sira ne'e kobre nivel difikuldade ne'ebé relata rasik iha domínio funsionamentu neen: vizaun, rona, mobilidade, koñesimentu, kuidadu-an, no komunikaun. Aliña ho Washington Group nia matadalan, respondente ida ne'ebé informa nivel difikuldade no inkapasidade aas atu halo pelumenus funsaun ida hosi funsaun sira ne'e, konsidera nu'udar iha defisiénsia.

Bazeia ba metodolojia ne'e, 7% respondente iha ona defisiénsia hafoin aplika ponderasaun estatística (aas liu fali 4% ne'ebé observa ona iha 2023). Feto barak (9%, kompara ho 6% mane sira), respondente ne'ebe idade ona tinan 55+ (17%, kompara ho 7% sira ne'ebé ho idade tinan 35-54 no 3% sira ne'ebé ho idade tinan 17-34), no sira ne'ebé laiha edukasaun formál (15%, kompara ho 4% sira ne'ebé iha edukasaun formál uitoan) klasifika ona nu'udar iha defisiénsia.

Persepsaun sira kona-ba minoria seksuál no jéneru

Iha 2025, *Tatoli!* buka atu halibur informasaun barak kona-ba inkluziun sosiál minoria seksuál no jéneru nian iha vida públika. Maioria respondente konkorda katak povu Timor tenke iha liberdade espresaun no moris tuir sira-nia orientasaun seksuál no identidade jéneru la tauk diskriminasaun (75%). Maibé, respondente menus provavel atu konkorda katak minoria seksuál no jéneru tenke iha direitu hanesan ho ema sira seluk (50%). Ém partikulár, persentajen boot (42%) la konkorda ho direitu hanesan ba minoria seksuál no jéneru.

Konkordánsia entre afirmasaun rua ne'e hanesan bazeia ba jéneru, idade, no fatin. Maibé, konkordánsia entre afirmasaun rua ne'e aas liu entre sira ne'ebé iha rendimentu mensál uma-kain boot liu \$500 (82% no 58%, respetivamente), kompara ho grupu rendimentu ki'ik liu sira.




⁵ Perguntas Konjuntu Badak ba Funsionamentu the Washington Group (WG-SS) nian nu'udar métodu ida rekoñesidu iha nivel internasionál atu kapta informasaun kona-ba difikuldades ne'ebé ema ida bele iha iha hala'o atividades funsionamentu báziku. Dezeña ona pergunta sira ne'e atu bele aplika iha mundu tomak atu masimiza komparabilidade internasionál. Haree: <https://www.washingtongroup-disability.com/>


Meiu ambiente no dezastre sira

Persentajen boot ida sente katak governu la konsege prepara ba responde dezastre naturál sira mak dezafiu boot ida iha nivel nasionál (20%), iha sira-nia comunidade (19%) no ba sira pesoalmente (17%).

Maioria respondente (90%) preokupa ho dezastre naturál sira ne'ebé afeta sira-nia uma-kain. Preokupasaun aas liu entre respondente foin-sa'e sira ho idade 18-34 (94%, kompara ho 86% sira ne'ebé ho idade 35-54 no 87% sira ne'ebé ho idade 55+).



Bainhira husu respondente se sira-nia uma-kain hetan ameasa hosi dezastre espesífiku, anin-boot (70%) mak dezastre komún liu ne'ebé identifika ona, tuir fali estragus ka inundasaun (44%) no rai-maran (43%).




Ein termu preparasaun ba ameasa potenciál sira ne'e, 68% respondente sente sira-nia uma-kain pelumenus preparadu 'uitoan' atu responde ba dezastre naturál sira iha futuru, enkuantu 22% sente la preparadu. Respondente barak ne'ebé hela iha área rurál sira (70%, kompara ho 65% iha área urbanu sira) sente preparadu atu responde ba dezastre naturál sira.



Entre respondente hotu-hotu, asaun komún liu ne'ebé halo ona atu prepara ba dezastre naturál sira abain-bainrua mak halo seremónia kulturál sira ho lider tradisionál sira (lia nain) (63%), prepara ai-han emerjénsia no abastesimentu bee (54%) no hametin estrutura uma nian (54%).

Respondente barak ne'ebé hela iha área rurál sira informa halo ona seremónia kulturál sira ho lia nain (67%) kompara ho sira ne'ebé iha área urbanu sira (51%).

Respondente sira iha área urbanu sira provavel liu uitoan atu prepara planu dezastre ida (45%, kompara ho 39% sira ne'ebé iha área rurál sira) no monitoriza previzaun klimatiku no sistema alerta sedu (41%, kompara ho 35%).





Dezenvolvimentu Infraestrutura

Tatoli! 2025 husu respondente sira kona-ba sira-nia asesu ba, no persepsaun sira kona-ba aspetu oioin infraestrutura, inklui estrada no ponte sira, bee no saneamentu, no eletrisidade.

Opiniaun xave sira:

- ◇ Infraestrutura nu'udar preokupasaun ida boot liu entre sira ne'ebé hela iha área rurál sira.
- ◇ Sira ne'ebé hela iha área rurál sira partikularmente menus pozitivu kona-ba estrada, ponte no transporte iha sira-nia área.


Estrada no ponte sira

Bainhira husu respondente sira, saida mak sira hanoin tenke sai governu ninia prioridade tolu boot liu, estrada sira mak konsidera nu'udar prioridade datolu boot liu (58%, tun hosi 64% iha 2023, bainhira estrada sira mak prioridade ne'ebé relata barak liu).

Iha 2025, respondente besik sorin balu hotu-hotu informa sira 'sempre' ka 'dala barak tebes' bele asesu transporte públiku ho seguru (57%, hanesan ho 54% iha 2023) no asesu ba sira-nia sentru munisipal iha kondisaun klima hotu-hotu (53%, sa'e hosi 45%). Proporsaun husi respondente ne'ebé relata katak ponte iha sira-nia área asesível no hetan manutensaun mós aumenta uitoan ba 38% (sa'e hosi 34% iha 2023). Entre respondente ho defisiénsia, número sira ne'e ki'ik liu uitoan: 47% hatete sira bele asesu transporte públiku ho seguru, 48% dehan sira bele asesu sira-nia sentru munisipal iha kondisaun klima hotu-hotu, no 29% informa katak ponte sira asesível no hetan manutensaun.

Maski iha mudansa uitoan iha kondisaun asesu nian, respondente uitoan mak informa katak estrada sira ne'ebé liga sira-nia postu administrative ida ba postu seluk iha kondisaun di'ak (35%, tun hosi 41% iha 2022, bainhira ikus liu husu pergunta ida ne'e). Nun'e mós, respondente uitoan hatete katak sira bele asesu ba informasaun kona-ba planu infraestrutur sira no progresu iha nivel lokál no nasional (39%, tun hosi 50%).

Hanesan hatudu ona iha gráfiku iha kraik, sira ne'ebé hela iha área urbanu sira relata persepsaun pozitivu liu kona-ba aspetu hotu-hotu estrada no ponte sira nian kompara ho sira ne'ebé hela iha área rural sira, konsistente ho preokupasaun boot liu ne'ebé hato'o ona kona-ba infraestrutur iha área rural sira.



Bee no saneamentu

Persentajen respondente sira ne'ebé sente katak bee (no saneamentu uma-kain) tenke sai prioridade ida hosi governu ninia prioridade tolu boot liu tun iha 2025. Respondente sira 22% de'it fiar katak ida ne'e tenke sai prioridade boot liu, tun hosi 42% iha 2023. Respondente sira iha área rural sira sente bee mak prioridade boot liu (25%) kompara ho sira ne'ebé iha área urbanu sira (17%).

Entre sira ne'ebé iha oan ho idade menus husi tinan 18, maioria respondente sira informa katak sira-nia oan 'sempre' ka 'dala barak tebes' iha asesu ba toilet ida (80%, laiha mudansa hosi 2023) no bee (76%, hanesan ho 73% iha 2023) iha eskola. La hanesan ho tinan uluk sira, respondente sira barak ne'ebé hela iha área rural sira informa sira-nia oan sira 'sempre' iha ka 'dala barak tebes' iha asesu ba toilet ida (81%, kompara ho 77% iha área urbanu sira) no bee (78%, kompara ho 70%) iha eskola. Rezultadu ki'ik liu entre respondente urbanu sira dala ida tan hetan impaktu hosi Dili, iha ne'ebé 71% respondente relata sira-nia oan sira sempre iha ka dala barak tebes iha asesu ba sentina (kompara ho 90% iha área urbanu sira seluk), no 64% relata sempre iha ka dala barak tebes iha asesu ba bee (kompara ho 86% iha área urbanu sira seluk).

Persentajen respondente ki'ik liu informa sira iha asesu ba mota bomba bee/posu sira ne'ebé hetan manutensaun (37%, hanesan ho 35% iha 2023). Respondente barak ne'ebé hela iha área urbanu sira informa sira iha asesu ba mota bomba bee/posu ne'ebé hetan manutensaun (52%, kompara ho 30% sira ne'ebé iha área rural sira).



Eletrisidade

Bainhira husu saida mak sira sente tenke sai governu ninia prioridade tolu boot liu, 15% hatete eletrisidade (tun hosi 27% iha 2023). Eletrisidade mak prioridade ida boot liu entre respondente idozu liu sira ho idade 55+ (19%, kompara ho 14% sira ne'ebé ho idade 18-34) no sira ne'ebé hela iha área rural sira (18%, kompara ho 8% sira ne'ebé hela iha área urbanu sira).

Laiha asesu ba eletrisidade relata hanesan dezafiu prinsipál ida iha asesu ba informasaun (32%, sa'e uitoan husi 28% iha 2023). Maibé iha kontráriu ho tinan 2023, respondente barak liu mak hela iha área urbanu sira relata katak sira la iha asesu ba eletrisidade hanesan dezafiu ida iha asesu ba informasaun (37%, kompara ho 30% husi sira ne'ebé hela iha área rural sira).

Dezenvolvimentu Ekonómiku

Tatoli! 2025 kaptura informasaun kona-ba estatutu empregu, rendimentu no moris-di'ak ekonómiku hosi respondente sira no sira nia uma-kain. Levantamentu ne'e mós halibur dados kona-ba dezenvolvimentu rurál, no asesu ba rekursu no infraestrutura hodi suporta atividade agrikola sira.

Opiniaun xave sira:

- ◇ Envolvimentu jerál iha serbisu ho saláriu aas liu duka iha 2023, no besik metade hosi sira-ne'e envolve iha serbisu ho saláriu maka ema ne'ebé serbisu ba aan-rasik.
- ◇ Rendimentu médiu uma-kain nian aas liu entre sira ne'ebé hela iha área urbana sira.
- ◇ Persesaun jerál sira kona-ba situaun ekonómika uma-kain nian ladún pozitivu kompara ho 2023 no 2022, maibé persesaun sira kona-ba aspetu espesífiku sira seguransa finanseira nian aas liu-sujere katak espetativa sira bele sai aas liután.
- ◇ Maske persesaun jerál kona-ba situaun ekonómika uma-kain nian pozitivu liu entre respondente sira iha área urbana, respondente rurál sira relata hanesan ka uitoan persesaun pozitivu liu bainhira husu kona-ba aspetu espesífiku sira seguransa finanseira nian.
- ◇ Falta infraestrutura (estrada no ponte sira) maka sai hanesan dezafiu boot ida ne'ebé maka hasoru sira ne'ebé iha área rurál, nune'e mós laiha oportunidade empregu ho qualidade, laiha bee moos/saneamentu, edukasaun ho qualidade menus no kuidaude saúde ho qualidade menus.
- ◇ Besik metade hosi sira ne'ebé serbisu iha empregu ho saláriu serbisu iha agrikultura.
- ◇ Foin-sa'e uitoan liu maka relata serbisu iha agrikultura kompara ho tinan hirak liubá.
- ◇ Asesu ba ekipamentu no rekursu ba agrikultura sei menus hela.


Empregu

Empregu ho saláriu

Respondente besik dois-tersus (64%, sa’e hosi 58% iha 2023) involvidu iha forma servisu ho salariu balun – inklui 45% ne’ebé servisu ba an rasik (sa’e hosi 41% iha 2023). Involvimentu jerál iha servisu ho salariu aas liu entre mane sira (69%, kompara ho 59% feto sira), respondente ho idade 35 no boot liu (78% sira ne’ebé ho idade 35-54 no 73% sira ne’ebé ho idade 55+, kompara ho 53% sira ne’ebé ho idade 18-34), sira ne’ebé hela iha área rurál sira (73%, kompara ho 45% iha área urbanu sira), sira ne’ebé laiha edukasaun formál (76%, kompara ho 60% ne’ebé iha edukasaun formál uitoan) no sira ne’ebé nu’udar parseiru (74%, kompara ho 41% sira ne’ebé la’os parseiru). Partikulármente, respondente barak ho idade 35 no boot liu, hela iha área rurál sira, laiha edukasaun formál no sira ne’ebé iha parseria informa servisu ba an rasik, ne’ebé iha parte boot ida esplika tansá involvimentu iha servisu ho salariu ém jerál boot liu entre grupu demográfiku sira ne’e.

Besik um-tersu respondente (30%, sa’e hosi 20% iha 2023) mak servisu iha empregu ho salariu iha kapasidade tempu tomak, tempu partiál ka okazonál/kontratadu. Persentajen respondente ne’ebé servisu iha empregu ho salariu tempu tomak (15%, sa’e hosi 9%), tempu partiál (14%, sa’e hosi 8%) no no okazonál/kontratadu (10%, sa’e hosi 4%) hotu-hotu aumenta ona kompara ho 2023.


Proporsaun hanesan ho mane (45%) no feto sira (44%) informa sira servisu ba an rasik. Maibé, respondente mane barak mak servisu iha empregu ho salariu iha tempu tomak (19%, kompara ho 11% feto sira), tempu partiál (16%, kompara ho 11%) ka okazonál/kontratadu (12%, kompara ho 8%).




Entre sira ne’ebé iha empregu ho salariu, sira ne’ebé hela iha área urbanu sira dala barak liu hetan sira-nia rendimentu prinsipál iha setór informál, (21%), setór privadu (18%) ka governu (15%). Maioria sira ne’ebé hela iha área rurál sira hetan sira-nia rendimentu prinsipál hosi servisu iha sira-nia toos rasik (65%).

Sira ne’ebé mak servisu ba an rasik dala barak liu hetan sira-nia rendimentu iha sira-nia toos rasik (68%) ka iha setór informál (18%).

Sira ne’ebé servisu ho baze tempu tomak (35%), tempu partiál (46%) ka okazonál/kontratadu (44%) mak provavel liu atu informa sira hetan sira-nia rendimentu prinsipál hosi sira-nia toos rasik. Maibé, sira mós provavelmente liu atu informa servisu iha setór governu (13-37%) ka privadu (14-16%), kompara ho sira ne’ebé servisu-rasik (2-5%).



Entre sira ne'ebé servisu iha setór informál, respondente sira komún liu halo kios ida (41%), fa'an sigarru (19%), tunu biskuit/dosi sona (17%) ka fa'an modo/ai-fuan (16%).⁶ Hanesan hatudu iha gráfiku iha kraik, respondente barak ne'ebé hela iha área urbanu sira fa'an sigarru no tunu biskuit/dosi sona, enkuantu respondente barak iha área rurál sira fa'an modo/ai-fuan ka balada sira.



Rendimentu uma-kain nian


Maioria respondente (86%, laiha mudansa hosi 2023) iha média rendimentu mensál ida menus hosi \$500, inklui 63% ho média rendimentu mensál ida menus hosi \$100 (tun uitoan hosi 66% iha 2023). Hanesan hatudu iha gráfiku iha kraik, rendimentu mensál médiu aas liu ba sira ne'ebé hela iha área urbanu sira.

Respondente barak grupu respondente sira tuir mai informa iha média rendimentu mensál uma-kain menus hosi \$100:

- Respondente iha área rurál sira (73%, kompara ho 39% iha área urbanu sira);
- Feto sira (66%, kompara ho 59% mane sira);

⁶ Trabalhador uma-kain sira dala ruma iha representasaun menus iha dadus ne'e, tanba sira dala ruma hela no servisu dook hosi uma iha momentu levantamentu dadus.


- Respondente idozu liu sira ho idade 55+ (68%, kompara ho 60% sira ne'ebé ho idade 18-34);
- Respondente ne'ebé hela fora husi Dili (73%, kompara ho 32% ne'ebé hela iha Dili);
- Respondente ne'ebé laiha edukasaun formál (79%, kompara ho 57% iha edukasaun formál uitoan).




Situasaun ekonomia

Respondente besik sorin balu de'it (53%) sente sira-nia situasaun ekonomia uma-kain nian 'di'ak' ka 'di'ak tebes' iha 2025. Nu'udar hatudu ona iha gráfiku iha kraik, persepsaun sira kona-ba situasaun ekonómika uma-kain nian sai menus pozitivu desde 2018. Respondente hosi kategoria sira tuir mai iha persepsaun menus pozitivu kona-ba sira-nia situasaun ekonómika uma-kain nian:

- Respondente iha área rurál sira (50% 'di'ak' ka 'di'ak tebes', kompara ho 61% iha área urbanu sira);
- Respondente ne'ebé hela fora husi Dili (48%, kompara ho 66% ne'ebé hela iha Dili);
- Respondente ho rendimentu mensál menus hosi \$100 (50%, kompara ho 79% ho liu \$500); no
- Respondente ne'ebé laiha edukasaun formál (49%, kompara ho 54% ne'ebé iha edukasaun formál uitoan).



Respondente besik sorin balu (49%, tun hosi 57% iha 2023) sente sira-nia situasaun ekonómika uma-kain nian di'ak liu kompara ho tinan ida liu ba, enkuantu besik um-tersu (36%, tun hosi 28%) hatete situasaun hanesan de'it. Minoria de'it (15%) sente sira-nia situation aat liu, hanesan ho 2023 (15%).



Maski persepsaun jerál sira kona-ba situasaun ekonomia uma-kain nian menus pozitivu kompara ho 2023 no 2022, bainhira husu kona-ba aspetu individuál sira seguransa finanseiru nian, respondente defaktu pozitivu liu kona-ba sira-nia kapasidade atu atende sira-nia nesidades iha aspetu hotu-hotu, ne'ebé hatudu katak espetativa sira sai aas liu tan durante tempu. Ém partikulár, respondente provavel liu atu konkorda:


- ◇ Posível ba sira no sira-nia família atu hetan empregu ida besik sira nia hela fatin (90%, sa'e hosi 72% iha 2023);
- ◇ Sira-nia família sei iha ai-han natoon to'o fulan oin (89%, sa'e hosi 72% iha 2023);
- ◇ Sira no sira-nia família hetan osan natoon atu selu sasán ne'ebé sira presiza (87%, kompara ho 68%);
- ◇ Sira bele rai osan hodi gasta iha tempu tuir mai (88%, kompara ho 72%);
- ◇ Sira bele empresta osan bainhira deit sira presiza (77%, kompara ho 68%).

Kuaze respondente hotu-hotu konkorda sira bele foti desizaun sira kona-ba osan iha sira-nia família (90% 'konkorda tebetebes' ka 'konkorda', sa'e hosi 78% iha 2023). Resposta sira hanesan ba fetu sira (90%) no mane sira (90%).

Maski sira ne'ebé hela iha área rurál sira iha persepsaun menus pozitivu kona-ba sira-nia situasaun jerál ekonómika uma-kain nian kompara ho sira ne'ebé hela iha área urbanu sira, persepsaun kona-ba aspetu spesífiku sira-nia seguransa finanseiru nian pozitivu liu uitoan.

Espesífiku liu, respondente barak ne'ebé hela iha área rurál sira konkorda katak:

- ◇ Posível ba sira atu hetan empregu ida besik sira nia hela fatin (91%, kompara ho 86% sira ne'ebé iha área urbanu sira);
- ◇ Sira bele foti desizaun kona-ba osan iha sira-nia família (92%, kompara ho 87%); no
- ◇ Sira bele empresta osan bainhira deit sira presiza (78%, kompara ho 73%).





Asisténsia sosiál no pagamentu sira governu nian

Ém jerál, respondente menus uitoan hosi sorin balu (45%, hanesan ho 43% iha 2023) mak simu daudaun tipu pagamentu balun governu nian, komún liu mak pagamentu idozus (20%, la muda) no Bolsa de Mae Condicional (16%, hanesan ho 18%).

Respondente barak iha área rurál sira (48%, kompara ho 38% iha área urbanu sira), ho idade 55+ (74%, kompara ho 35% sira ne'ebé ho idade 18-34), laiha edukasaun formál (60%, kompara ho 39% ne'ebé iha edukasaun formál uitoan) no ema ho defisiénsia sira (72%, kompara ho 43% ema sira ne'ebé laiha defisiénsia) simu pelumenus pagamentu governu nian ida.


Entre sira ne'ebé simu ona pagamentu governu nian, baibain uza pagamentu sira ne'e ba sasán uma-kain nian hanesan ai-han/nesesidade báziku sira (84%), edukasaun (57%) no despeza uma-kain la'os ai-han hanesan mobiliáriu no sasán durável sira seluk (35%).



Dezenvolvimentu rurál

Bainhira husu respondente sira saida mak sira hanoin tenke sai governu ninia prioridade tolu boot liu, estrada sira (65%, kompara ho 43% iha área urbanu sira), bee (25%, kompara ho 17%) no eletrisidade (18%, kompara ho 8%) mak relata ona nu'udar prioridade sira boot liu entre respondente hosi área rurál sira, kompara ho sira hosi área urbanu sira. Saúde (67%, kompara ho 76% iha área urbanu sira) no edukasaun (52%, kompara ho 74%) mós relata ona nu'udar prioridade rua boot liu entre sira ne'ebé hela iha área rurál sira, maibé to'o pontu ida ki'ik liu fali ba respondente hosi área urbanu sira.

Menus infraestrutura (estrada no ponte sira) mós relata maka'as bainhira husu respondente hosi área rurál sira atu hatete dezafiu sira boot liu ne'ebé sira hasoru iha nivel nasional, comunidade no individuál. Respondente rurál barak mós sente ona menus oportunidade empregu no edukasaun, no menus servisu hanesan bee mós/saneamentu no kuidadu saúde mak sai dezafiu sira iha nivel nasional, comunidade no individuál.



Agrikultura

Persentajen respondente ki'ik de'it (5%, tun hosi 9% iha 2023) sente agrikultura (inklui irrigasaun) tenke sai governu ninia prioridade boot liu. Konkluziun ne'ebe hanesan ba respondente rurál (5%) no mós urbanu (6%).

Respondente liu sorin balu (56%) ne'ebé servisu iha empregu ho salariu, halo kna'ar agrikultura iha sira-nia toos rasik (51%) ka iha ema seluk ninia toos (5%). Respondente barak iha área rurál sira (65%, kompara ho 13% iha área urbanu sira) no ho idade 55+ (70%, kompara ho 49% sira ne'ebé ho idade


35-54 no 45% sira ne'ebé ho idade 18-34) mak servisu iha sira-nia toos rasik. Rezultadu sira ne'e mós hatudu ema barak ho idade 55+ (70%, sa'e hosi 59%) no ema uitoan ho idade 18-34 (45%, tun hosi 50%) mak servisu iha sira-nia toos rasik kompara ho 2023.⁷

Entre sira ne'ebé serbisu iha to'os, menus hosi metade maka relata katak sira 'sempre' ka 'dala barak tebes' bele asesu ba sasán no servisu sira ba agrikultura, inklui:

- ♦ Hadi'a ona kualidade fini (kualidade jenética di'ak liu) atu kuda sira-nia ai-horis sira (37%, tun hosi 71% iha 2023);⁸
- ♦ Bee disponivel atu uza ba sira-nia ai-horis (36%, hanesan ho 34%);
- ♦ Adubu atu uza ba sira-nia ai-horis (24%, hanesan ho 26%);
- ♦ Kréditu atu apoia sira-nia atividade agrikultura sira (13%, hanesan ho 16%); no
- ♦ Asesu ba ekipamentu agrikola, hanesan tratór sira (13%, foun iha 2025).

Besik um-tersu de'it mak informa sira prodúz ona sasán/produtu extra atu fa'an iha merkadu (35%) no bele asesu merkadu atu fa'an sira-nia sasán/produtu sira (37%, tun hosi 42%).

Hanesan hatudu iha gráfiku iha kraik, asesu ba ekipamentu no rekursus ba agrikultura hanesan entre respondente rurál no urbanu sira ba maioria aspetu sira. Maibé, sira ne'ebé hela iha área urbanu sira relata asesu liu ba bee no kréditu atu apoia atividade agrikola sira.



⁷ Favor nota rezultadus ba pergunta ne'e la diretamente kompara ho 2023 tanba mudansa sira iha eskala resposta nian.
⁸ Husu ona pergunta ne'e hori 2016, maibé enumeradór sira uza ona esplikasaun ida detalladu liu kona-ba saida mak fini kualidade aas liu signifika iha 2025, ne'ebé bele rezulta iha taxa resposta ida signifkativamente ki'ik liu.





Remesa sira

Tatoli! 2025 kaptura informasaun kona-ba remesa sira hosi estranjeiru no hanoin sira atu servisu iha rai liur.

Opiniaun xave sira:


- ◇ 17% respondente simu ona osan hosi rai liur.
- ◇ Respondente barak iha área urbanu sira, hela iha Dili no ho idade 18-34 simu ona osan hosi rai liur.
- ◇ Iha relasaun ida entre simu remesa sira hosi rai liur no envolvimentu iha agrikultura – individu sira ne'ebé envolvidu iha agrikultura menus provavel atu simu remesa ho iha tendénsia atu simu montante ki'ik liu bainhira sira simu.
- ◇ Rezidente urbanu besik sorin balu no respondente sorin balu ho idade 18-34 iha planu atu servisu iha rai liur ka hato'o interese atu servisu iha rai liur.
- ◇ Austrália, Reinu Unidu no Korea du Sul mak nasaun prinsipál sira ne'ebé respondente simu osan no hanoin atu servisu iha ne'ebá.

Remesa

Respondente pursentu sanulu-resin-hitu (tun uitoan hosi 20% iha 2023) simu ona osan hosi ema ruma ne'ebé hela iha rai liur iha fulan neen liu ba. Respondente barak iha área urbanu sira (25%, kompara ho 14% hosi sira ne'ebé iha área rurál sira), hela iha Dili (29%, kompara ho 13% ne'ebé hela fora husi Dili), ho idade 18-34 (19%, kompara ho 15% sira ne'ebé ho idade 55+). Respondente ho rendimentu aas liu mós provavel liu atu simu ona osan hosi ema ruma iha rai liur (36% sira ne'ebé iha rendimentu mensál médiu ida boot liu \$500, kompara ho 25% sira ne'ebé iha rendimentu mensál \$100-\$500 no 13% sira ne'ebé iha rendimentu ida ki'ik liu \$100).

Entre sira ne'ebé simu ona osan hosi rai liur, maioria ema sira ne'ebé haruka ona osan ba sira, hela iha Austrália (44%), Reinu Unidu (30%) ka Koreaia du Sul (27%). Maioria ema sira ne'ebé simu ona osan simu menus hosi \$1,000 (71%, sa'e hosi 62% iha 2023).

MONTANTE OSAN (\$USD) NE'EBÉ HARUKA BA UMA-KAIN SIRA IHA FULAN NEEN IKUS



Sira ne'ebé simu ona osan hosi rai liur babain uza liu ne'e ba sasan uma-kain sira (79%), tuir fali despezas uma-kain la'os ai-han hanesan mobiliáriu no sasan durável sira (45%) no edukasaun (40%).


UTILIZASAUN OSAN NE'EBÉ SIMU HOSI RAI LIUR



Tatoli! 2025 identifika ona relasaun entre simu remesa sira hosi estranjeiru no envolvimentu iha agrikultura. Respondente uitoan liu ne'ebé servisu iha toos simu ona osan hosi ema ruma ne'ebé hela iha rai liur iha fulan neen liu ba (12%) kompara ho sira ne'ebé la servisu iha toos (22%). Liu tan, sira ne'ebé servisu iha toos no simu ona osan hosi tasi balu provavel liu atu simu montante ki'ik liu, ho 77% sira ne'ebé servisu iha toos simu menus hosi \$1,000, kompara ho 67% sira ne'ebé la servisu iha toos.

Servisu iha rai liur

HANOIN ATU SERVISU IHA RAI LIUR




Besik um-kuartu respondente (26%, hanesan ho 24% iha 2023) hatete sira planeia tiha ona atu servisu iha rai liur iha 2025, no 7% tan (tun hosi 15%) mós hakarak maibé seidauk iha planu ida. Interese jerál atu servisu iha tasi balu (33%) ki'ik liu fali iha 2023 (39%). Grupu respondente tuir mai provavel liu atu hato'o hanoin ka interese atu servisu iha rai liur:

- ◆ Mane sira (37% 'planeia ona' ka 'hakarak atu planeia', kompara ho 29% feto sira);
- ◆ Respondente foin-sa'e sira (47% sira ne'ebé ho idade 18-34, kompara ho 14% sira ne'ebé ho idade 55+);
- ◆ Respondente iha área urbanu sira (46%, kompara ho 28% sira ne'ebé hela iha área rurál sira);
- ◆ Respondente iha Dili (52%, kompara ho 27% fora husi Dili);
- ◆ Respondente ne'ebé iha edukasaun formál uitoan (38%, kompara ho 19% ne'ebé laiha edukasaun formál).

Sira ne'ebé hakarak atu servisu iha rai liur komún liu hakarak servisu iha Austrália (61%, sa'e hosi 33% iha 2023), tuir fali Koreaia du Sul (18%, tun hosi 24%) no Reinu Unidu (13%, tun hosi 37%). Rezultadu sira ne'e hatudu mudansa sentimentu ida hosi 2023, bainhira Reinu Unidu mak destinu prospektivu populár liu.

NASAUN NE'EBÉ EMA HANOIN ATU SERVISU BA IHA RAI LIUR



Enkuadramentu Institusionál

Levantamentu Tatoli! 2025 kaptura informasaun kona-ba aspetu sira relasiona ho relasaun externa sira, governansa no seguransa.


Opiniaun xave sira:

- ◇ Entre respondente ne'ebé rona ona kona-ba Asosiasaun Nasaun sira Sudeste Aziátiku nian (ASEAN), iha apoiu públiku ne'ebe maka'as ba adezaun Timor-Leste nian ba órgaun rejionál ne'e.
- ◇ Persepsaun sira kona-ba dezempeñu jerál governu nian pozitivu liu uitoan kompara ho tinan uluk sira. Maibé, satisfasaun ho aspetu espesífiku sira dezempeñu governu nian no envolvimentu governu nian ho sidadaun sira ki'ik liu.
- ◇ Apoiu ba feto sira, foin-sa'e sira no ema ho defisiénsia sira atu hetan representasaun iha política no foti desizaun aas liu kompara ho tinan uluk sira. Entretantu apoiu ba representasaun boot liu hosi minoria seksuál no jéneru signifkativamente ki'ik liu, maioria respondente sei hato'o sira-nia apoiu.
- ◇ Baku-malu, disputa rai, violénsia doméstika no asuntu sira relasiona ho balada sira (e.z. estraga ai-horis) konsidera hanesan problema seguransa ne'ebe sériu liu.

Foto husi Mariano Goncalves.

Negósiu estranjeiru sira

Respondente liu sorin balu (57%) hatete sira ‘interesse tebes’ ka ‘interesse maka’as tebes’ iha eventu boot sira fora husi Timor-Leste. Interesse iha eventu estranjeiru boot sira, aas liu ba respondente ho idade 17-34 (60%, kompara ho 49% sira ne’ebé ho idade 55+), ne’ebé hela iha área urbanu sira (66%, kompara ho 53%), ho rendimentu mensál uma-kain liu \$500 (76%, kompara ho 54% sira ne’ebé ho rendimentu menus hosi \$100) no iha edukasaun formál uitoan (60%, kompara ho 47% sira ne’ebé laiha edukasaun formál).



Respondente sira relata interese boot liu iha preokupasaun saúde mundiál (39%), tuir fali mudansa klimátika ka kestaun ambientál sira (16%).

Maioria (75%) respondente fiar katak kestaun marítima sira importante ‘tebes’ ka ‘importante maka’as tebes’ ba Timor-Leste. Respondente barak ho idade 18-34 (78%, kompara ho 69% sira ne’ebé ho idade 55+), hela iha área urbanu sira (80%, kompara ho 74% sira ne’ebé iha área rurál sira), ho rendimentu mensál uma-kain boot liu \$500 (82%, kompara ho 74% sira ne’ebé iha rendimentu menus liu \$100) no edukasaun formál ruma (78%, kompara ho 68% sira ne’ebé laiha edukasaun formál) sente katak kestaun marítima importante.

Respondente sira relata iha interese boot iha peska ilegál (30%), tuir fali protesau ambiente tasi no biodiversidade (20%) no seguransa marítima (15%).




Hanesan hatudu ona iha tabela iha kraik, bainhira husu kona-ba nasaun ne’ebé mak Timor-Leste ninia parseiru importante liu iha área prinsipal lubuk ida, respondente sira nomeia nasaun barak. Austrália konsidera nu’udar parseiru importante liu ba relasaun diplomátika sira, defeza, no agrikultura. Xina konsidera nu’udar parseiru importante liu iha komérsiu no investimentu, no infraestrutura. Cuba konsidera nu’udar parseiru importante liu iha área saúde. Besik respondente ida iha sanulu mak laiha serteza nasaun ne’ebé mak importante liu ba Timor-Leste iha áreas hotu-hotu ne’ebé ezamina.

Nasaun ne’ebé mak Timor-Leste ninia parseiru importante liu iha...

ÁREAKOMPARA	NASAUN IMPORTANTE LIU (3 BOOT LIU)	LA HATENE
Relasaun diplomátika sira	Austrália (41%) Portugal (10%) Estadus Unidus (8%)	15%
Komérsiu no investimentu	Xina (40%) Austrália (15%) Indonézia (12%)	12%
Defeza	Austrália (34%) Estadus Unidus (28%) Indonésia (8%)	11%
Infraestrutura	Xina (50%) Austrália (10%) Japaun (10%)	10%
Agrikultura	Austrália (36%) Indonézia (9%) Japaun (8%)	13%
Saúde	Cuba (56%) Singapura (8%) Austrália (7%)	10%
Edukasaun	Portugal (36%) Austrália (14%) Indonézia (11%)	10%

Respondente sorin balu (50%) antes rona ona kona-ba Asosiasaun Nasaun sira Sudeste Aziátiku nian (ASEAN). Respondente sira barak iha área urbanu (78%, kompara ho 38% iha área rurál sira), ho idade 18-34 (58%, kompara ho 29% sira ne’ebé ho idade 55+) no iha edukasaun formál uitoan (59%, kompara ho 24% sira ne’ebé laiha edukasaun formál) hatene kona-ba ASEAN.





Entre sira ne'ebé hatene kona-ba ASEAN, kuaze hotu-hotu (89%) sente katak Timor-Leste tenke tama asosiasaun ne'e. Entre sira ne'ebé sente Timor-Leste tenke tama asosiasaun ne'e, benefísiu importante liu ne'ebé sira sente mak empregu barak liu no di'ak liu (69%), tuir fali opsaun estudu barak liu (12%).

Jestaun Setór Públiku no Governansa Di'ak

Persepsaun sira kona-ba governu

Maioria respondente (71%) sente governu agora halo servisu 'di'ak' uitoan' ka 'di'ak tebes' bainhira hala'o ninia responsabilidade sira, aas liu kompara ho tinan uluk sira (62% iha 2022 no 57% iha 2018). Persepsaun sira kona-ba dezempeñu governu nian pozitivu liu entre sira ne'ebé hela fora husi Dili (73%) kompara ho sira ne'ebé hela iha Dili (66%).




Maski iha satisfasaun jerál ida ho dezempeñu governu nian aas liu uitoan kompara ho tinan uluk sira, maibé satisfasaun iha aspetu espesífiku sira dezempeñu governu nian defaktu ki'ik liu uitoan. Respondente hotu-hotu besik dois-teresus satisfaitu ho governu ninia esforsu sira iha diversifikasaun ekonomia iha nivel nasional (65%, tun hosi 78% iha 2023) no ho produsaun ai-han iha nasaun ne'e (63%, tun hosi 78%). Satisfasaun ho aspetu rua ne'e ki'ik liu fali iha 2023.

Satisfasaun ho esforsu sira governu nian atu diversifika ekonomia aas liu entre sira ne'ebé iha rendimentu mensál boot liu \$500 (70%, kompara ho 63% hosi sira ne'ebé iha rendimentu menus liu \$100) no iha edukasaun formál uitoan (67%, kompara ho 58% laiha edukasaun formál).



Maioria respondente (86%, tun hosi 91%) konkorda governu tenke halo saida mak povu hatete nia atu halo. Maibé, iha maioria forte ida tan ho (86%, sa'e hosi 75%) mós konkorda governu hatene saida mak di'ak liu ba povu. Iha tempu hanesan, bainhira rejista resposta kontraditóriu uitoan ne'e, maioria (79%) respondente sente katak povu ne'ebé la konkorda ho governu ninia asaun sira tenke bele kritika governu publikamente (haree pájina 53).




⁹ Favór nota eskala ba pergunta sira ne'e muda ona hosi eskala pontu-7 ida iha 2022 ba eskala pontu-5 ida iha 2025.

Envolvimentu Síviku

Maski satisfasaun jerál ho governu sei aas nafatin, *Tatoli!* 2025 rejista ona redusaun uitoan iha satisfasaun jerál ho forma oinsá governu envolve sidadaun sira. Respondente sira-nia satisfasaun ho governu ninia nivel konsulta kona-ba planu dezenvolvimentu nasonál no lokál tun ona ba 67% (hosi 79% iha 2023), enkuantu satisfasaun ho ninia kapasidade resposta ba keixa sira sidadaun nian no hadia problema sira iha nivel lokál tun ona ba 66% (tun hosi 74% iha 2023).


Satisfasaun ho aspetu rua ne'e aas liu entre respondente ho idade 18-34 (71% no 68%, respetivamente, kompara ho 62% no 63% hosi sira ne'ebé ho idade 55+).



Hanesan hatete ona, maioria (79%) respondente sente katak ema ne'ebé la konkorda ho governu ninia asaun sira tenke kritika governu publikamente. Resposta sira ba pergunta ne'e hanesan ba mane no feto sira, no iha grupu idade no rendimentu hotu-hotu, maibé respondente sira iha Dili kítiku liu uitoan (83% konkorda).




Respondente menus hosi um-tersu (31%, tun hosi 45% iha 2023) kontaktu ona autoridade lokál ka lider sira iha fulan neen liu ba. Mane barak (34%, kompara ho 28% feto sira), ne'ebé hela iha Dili (38%, kompara ho 28% sira ne'ebé hela fora husi Dili) no sira barak ne'ebé iha edukasaun formál ruma (32%, kompara ho 26% laiha edukasaun formál) kontaktu ona autoridade lokál ka lider sira. Hanesan hatudu iha gráfiku iha kraik, sira ne'ebé kontaktu ona autoridade lokál ka lider sira liuliu nune'e atu hato'o preokupasaun kona-ba problema sira iha sira-nia comunidade ka seguransa no protesau iha sira-nia comunidade. Entre sira ne'ebé la kontaktu autoridade lokál/lider sira, razaun prinsipál respondente la kontaktu sira tanba sira laiha preokupasaun ruma (61%) ka sira laiha tempu (43%).




Suporta ba feto no minoria sira-nia partisipasaun iha polítika

Kuaze respondente hotu-hotu (85%) sente 'di'ak' ba Timor-Leste bainhira feto barak iha representasaun iha forum sira no tama iha polítika, aas liu kompara ho tinan uluk (79% iha 2023 no 80% iha 2022). Respondente barak mak hela iha área urbanu sira (90%, kompara ho 82% sira iha área rurál sira), iha rendimentu mensál boot liu \$500 (94%, kompara ho 84% ho sira ne'ebé iha rendimentu menus liu \$100) no iha edukasaun formál uitoan (86%, kompara ho 79% laiha edukasaun formál) sente di'ak bainhira feto barak iha representasaun.



Respondente barak, kompara ho tinan uluk, sente di'ak bainhira foin-sa'e sira (90%, sa'e hosi 79% iha 2023) no ema ho defisiénsia sira (77%, sa'e hosi 65%) iha representasaun iha forum foti desizaun no política. Maibé, liu sorin balu de'it (56%) sente di'ak bainhira minoria seksuál no jéneru iha representasaun di'ak liu iha forum sira ne'e.


Respondente barak iha área urbanu sente di'ak bainhira grupu tolu hotu-hotu iha representasaun di'ak liu iha forum sira ne'e, kompara ho sira ne'ebé iha área rurál sira. Respondente barak ho rendimentu mensál boot liu \$500 sente di'ak ba minoria seksuál no jéneru atu iha representasaun (74%, kompara ho 57% ho rendimentu menus liu \$100).



Foin-sa'e sira iha política

Respondente sira iha persepsaun pozitivu tebes kona-ba involvimentu foin-sa'e nian iha política. Hanesan hatudu iha gráfiku iha kraik, persepsaun sira mós pozitivu liu iha aspetu hotu-hotu kompara ho tinan uluk sira, bainhira nota katak 2022 parese sai periodu ida iha ne'ebé papél jersaun foin-sa'e sira nian bele esepcionalmente ki'ik.

Sira ne'ebé hela iha área rurál pozitivu liu kona-ba aspetu hotu-hotu kompara ho sira ne'ebé hela iha área urbanu sira.




Justisa no Seguransa

Nota: Pergunta sira iha seksaun ne'e kona-ba Levantamentu Tatoli! 2025 uluk halibur ona nu'udar parte levantamentu sira seluk, no tanba ne'e rezultadu sira bele la komparável perfektamente ho rezultadu sira uluk ne'ebé apresenta iha ne'e.

Respondente besik sorin balu (48%) sente seguransa iha sira-nia fatin di'ak ona kompara ho tinan kotuk, enkuantu sorin balu seluk ein jerál sente situasaun seguransa hanesan nafatin (47%). Persentajen ne'ebé sente seguransa di'ak ona ne'e ki'ik liu kompara ho tinan uluk sira.


Respondente barak ho idade 18-34 (51%, kompara ho 43% sira ne'ebé ho idade 55+) sente seguransa iha sira-nia fatin di'ak ona kompara ho tinan kotuk.



Hanesan hatudu iha gráfiku iha kraik, maioria respondente konkorda sira preokupa ho sira-nia seguransa fizika (77%, sa'e hosi 68% iha 2022), sira-nia sasán ema na'ok (67%, sa'e hosi 60%), sira-nia família ninia seguransa (66%, tun hosi 75%) no tensaun sira iha sira-nia comunidade lori ba konflitu (62%, hanesan ho 60%). Preokupasaun jerál kona-ba kada aspetu sira ne'e aas liu kompara ho 2022 (observa dala ida tan katak dadus anteriór sira la foti nu'udar parte levantamentu *Tatoli!* no bele la kompara perfektamente).

Preokupasaun kona-ba aspetu seguransa hotu-hotu aas liu entre sira ne'ebé iha idade 18-34, sira ne'ebé hela iha área urbanu sira no sira ne'ebé hela iha Dili.


¹⁰ Dadus hosi 2022 no antes mai hosi Asia Foundation ninia Levantamentu Persepsaun Seguransa, Protesaun no Justisa Timor-Leste.



¹¹ Dadus hosi 2022 no antes mai hosi Asia Foundation ninia Levantamentu Persepsaun Seguransa, Protesaun no Justisa Timor-Leste.

Baku-malu ein jerál (36%), disputa rai (35%), violénsia doméstika (32%), balada sira/balada lakon no balada sira destroi ai-horis (31%) konsidera ona nu’udar problema seguransa sériu liu. Sira ne’e mós konsidera ona hanesan problema haat hosi problema seguransa boot lima sériu liu iha 2022.¹²

Hanesan hatudu iha gráfiku iha kraik, konsidera ona baku-malu nu’udar problema ida boot liu iha área urbanu sira, enkuantu kestaun sira relasiona ho balada sira mak problema ida boot liu iha área rural sira.



Destruisaun ai-horis hosi balada sira (30%), soe malu (21%) no abandonu (20%) mak problema seguransa komún liu respondente hasoru ona iha tinan kotuk. Problema tolu ne’e mós nu’udar problema seguransa komún liu ema hasoru ne’ebé relata ona iha 2022.¹³ Hanesan hatudu iha gráfiku iha kraik, respondente barak iha área rural sira hasoru ona destruisaun ai-horis hosi balada sira (38%, kompara ho 12% iha área urbanu sira), abandonu (25%, kompara ho 10%) no disputa tanba osan (12%, kompara ho 6%). Hanesan nune’e mós, sira ne’ebé hela fora husi Dili provavel liu atu hasoru destruisaun ai-horis hosi balada sira (38%, kompara ho 8% sira ne’ebé hela iha Dili), soe malu (22%, kompara ho 16% sira ne’ebé hela iha Dili) no abandonu (25%, kompara ho 6%).

Esperiénsia sira kona-ba problema seguransa bazeia ba jéneru ne’e hanesan, eseptu katak feto barak informa kona-ba problema soe malu (24%, kompara ho 17% mane sira).

¹² Dadus hosi 2022 no antes mai hosi Asia Foundation ninia Levantamentu Persepsaun Seguransa, Protesaun no Justisa Timor-Leste.
¹³ Dadus hosi 2022 no antes mai hosi Asia Foundation ninia Levantamentu Persepsaun Seguransa, Protesaun no Justisa Timor-Leste.



Ba problema seguransa lima boot liu ne’ebé esperiénsia ona, respondente sira barak baibain buka asisténsia ba disputa rai (64%). Respondente uitoan buka asisténsia ba abandonu (44%). Ba problema seguransa lima boot liu, baibain ema primeiru ne’ebé sira buka ajuda mak xefe aldeia (27-54% hosi sira ne’ebé buka asisténsia) . Polísia (PNTL) mak parte daruak baibain ema buka barak liu ba violénsia doméstika. Entre sira ne’ebé relata sira-nia problema, satisfasaun ho rezultadu aas liu ba disputa rai (88%) no ki’ik liu ba soe malu (65%).

Komportamentu buka justisa					
	DESTRUISAUN AI-HORIS HOSI BALADA SIRA	SOE-MALU	ABANDONU	DISPUTA RAI	VIOLÉNSIA DOMÉSTIKA
% problema ne’ebé hasoru iha tinan kotuk	30%	21%	20%	15%	14%
Buka tulun	52%	52%	44%	64%	54%
Ema ka organizasaun dahuluk ne’ebé relata ba (kompara ho PNTL)	Xefe aldeia 54% (PNTL 3%)	Xefe aldeia 31% (PNTL 6%)	Xefe aldeia 39% (PNTL 11%)	Xefe aldeia 39% (PNTL 9%)	Xefe aldeia 27% (PNTL 25%)
Satisfasaun ho rezultadu (% satisfeito ka satisfeito tebetebes)	77%	65%	76%	88%	73%



Foto husi Gezer Amorim.

Mídia

Levantamentu Tatoli! 2025 husu ona respondente kona-ba oinsá sira asesu notisia no informasaun, no dezafiu saida mak sira hasoru wainhira asesu ba informasaun.

Opiniaun xave sira:


- ◇ Televizaun kontinua nu'udar fonte informasaun ne'ebé uza komún liu, maski ninia utilizaun tun.
- ◇ Utilizaun radio mós tun kompara ho tinan uluk sira.
- ◇ Mídia sosiál, liuliu Facebook no YouTube, sai ona fonte informasaun ne'ebé importante liu tan.
- ◇ Sira ne'ebé hela iha área rurál sira depende liu ba informasaun hosi ibun-ba-ibun no kanál informál sira hanesan Xefe Aldeia, Xefe Suco, igreja, belun sira, família, no viziñu sira kompara ho sira ne'ebé hela iha área urbanu sira.
- ◇ Maski utilizaun mídia sosiál aumenta daudaun, konfiansa iha plataforma sira ne'e ki'ik nafatin. Televizaun to'o oras ne'e kontinua nu'udar fonte informasaun ne'ebe ema fiar liu.

Asesu ba notisia no informasaun

Desde 2023, *Tatoli!* observa ona utilizaun média tradisionál tun no aumentu iha utilizaun média sosiál ba notisia no informasaun. Iha 2025, televizaun kontinua nu'udar fonte ne'ebé uza komún liu ba notisia no informasaun, maski utilizaun tun ona ba 56% (tun hosi 68% iha 2023). Radio mós hasoru ona redusaun ida ba 25% (tun hosi 34% iha 2023). Respondente informa utilizaun kanál média sosiál signifikativu liu atu asesu notisia no informasaun, ho 42% respondente komún liu uza Facebook (sa'e hosi 33% iha 2023) no 37% komún liu uza YouTube (sa'e hosi 16% iha 2023). Líder lokál sira, hanesan Xefe Aldeia (35%) no Xefe Suco (32%) mós nu'udar fonte informasaun importante notisia no informasaun nian.


Maski televizaun mak sei sai fonte informasaun komún liu ba respondente ne'ebé hela iha área rurál sira, maibé sira depende liu ba lia informasaun ibun-ba-ibun no kanál informál sira kompara ho sira ne'ebé hela iha área urbanu sira. Lia hosi ibun-ba-ibun no kanál informál sira mak hanesan Xefe Aldeia (43%, kompara ho 14% iha área urbanu sira), Xefe Suco (39%, kompara ho 13%), igreja (18%, kompara ho 3%) no belun/família/viziñu sira (11%, kompara ho 5%). Respondente rurál liu sira mós baibain uza nafatin radio (29%, kompara ho 14% ba respondente urbanu sira).

Respondente barak iha área urbanu sira uza média sosiál ba notisia no informasaun, hanesan Facebook (68%, kompara ho 31% iha área rurál sira), YouTube (56%, kompara ho 29%) no TikTok (23%, kompara ho 4%).




¹⁴ Rezultadu sira la komparável diretamente ho 2023 tanba mudansa iha lista kanál sira, hanesan aumenta Xefe Aldeia no Xefe Suco.

Facebook mak plataforma média sosiál/mensajen ne'ebé ema uza komún liu (66%), tuir fali WhatsApp (56%). Utilizasaun maioria plataforma média sosiál/mensajen ém jerál boot liu entre respondente foin-sa'e sira ho idade 18-34, sira ne'ebé hela iha área urbanu sira, sira ne'ebé iha média rendimentu mensál uma-kain liu \$500 no sira ne'ebé iha edukasaun formál uitoan. Porezemplu, 80% respondente urbanu sira uza Facebook, 74% uza WhatsApp no 31% uza TikTok.



Hanesan ho tinan uluk sira, televizaun (53%, tun uitoan hosi 56% iha 2023) mak to'o oras ne'e nu'udar fonte notisia no informasaun ne'ebe ema fiar liu. Maski televizaun mak fonte ema fiar liu iha área urbanu no mós rurál, konfiansa aas liu iha área urbanu sira (63%, kompara ho 49% iha área rurál sira). Presentajen respondente boot liu iha área urbanu sira mós informa katak Facebook (15%, kompara ho 4% iha área rurál sira) no YouTube (9%, kompara ho 5% iha área rurál sira) mak sira-nia fonte informasaun mak bele fiar liu. Au kontráriu, respondente barak iha área rurál sira informa katak sira-nia Xefe Aldeia (15%, kompara ho 4% iha área urbanu sira) no Xefe Suco (12%, kompara ho 3%) mak sira-nia fonte informasaun ne'ebé bele fiar liu.




¹⁵ Rezultadu sira la komparável diretamente ho 2023 tanba mudansa iha lista kanál sira, hanesan aumenta Xefe Aldeia no Xefe Suco.

Persepsaun sira kona-ba média

Maioria respondente (87%) konkorda governu iha direitu atu kontrola forma oinsá média publika informasaun kona-ba nia. Maski sei aas, konkordánsia ne'e ki'ik liu uitoan katak média tenke bele publika istória sira ne'ebé importante tebes governu nian ne'ebé laiha kontrole ka restrisaun governu nian (79%). Respondente barak mós la konkorda ho afirmasaun ne'e (12%, kompara ho 7%). Resposta sira ne'ebé parese kontraditóriu ne'e provavelmente hatudu katak respondente sira hakarak buat rua ne'e hotu atu sai realidade.

Iha 2025, respondente ne'ebé provavel liu konkorda katak média tenke bele publika istória sira ne'ebé kritiku hasoru governu ne'ebé laiha kontrole ka restrisaun hosi governu inklui sira ne'ebé hela iha área urbanu sira (87%, kompara ho 76% iha área rurál sira), sira ne'ebé hela iha Dili (86%, kompara ho 77% fora husi Dili) no sira ne'ebé ho idade 18-34 (82%, kompara ho 74% sira ne'ebé ho idade 55+).




Iha tinan uluk sira, bainhira husu respondente atu hili afirmasaun rua ne'e ida ne'ebé mak sira konkorda liu, persentajen boot liu apoia independénsia média nian. Iha 2023, porezemplu, 47% sente média tenke sai independente, enkuantu 25% sente governu iha direitu atu kontrola média. Rezultadu sira uluk nian ne'e bele hatudu katak bainhira obrigadu atu hili, respondente sira iha inklinaun atu apoia média independente ida.

Dezafiu sira iha asesu ba informasaun

Hanesan iha tinan sira uluk, dezafiu prinsipál sira ne'ebé respondente hasoru atu asesu informasaun iha 2025 mak fundus ka osan limitadu atu selu ligasaun (57%, hanesan ho 59% ne'ebé rejista ona iha 2023) no laiha asesu tanba resepsaun/ligasaun limitadu (52%, hanesan ho 50%). Hato'o ona informasaun sira ne'e nu'udar dezafiu prinsipál sira entre respondente urbanu no mós rurál.

Respondente barak iha área rurál sira informa dezafiu sira tuir mai:

- ◇ La hatene atu buka iha ne'ebé (22%, kompara ho 9% iha área urbanu sira);
- ◇ La komprende lian (12%, kompara ho 4%); no
- ◇ Informasaun/konteúdu kualidade ladi'ak (12%, kompara ho 7%).



Seksaun Espesial: Dijitalizasaun

Timor-Leste ninia infraestrutura dijital d'ak daudaun ona, ho teknolojia satélite foun oras ne'e asesível no kabel Internet fibra ótika ne'ebé hein kleur ona espera atu online iha 2025. Atu antisipa espansaun boot ida iha konetividade Internet durante tinan hirak mai, kestionáriu Tatoli! 2025 hatama ona seksaun espesial komprensivu ida kona-ba dijitalizasaun. Seksaun espesial ne'e iha objetivu atu kapta imajen ida kona-ba padraun atuál sira asesu no utilizaun Internet iha Timor-Leste nian, hodi husu respondente kona-ba sira-nia asesu ba Internet, sira uza Internet ba saida, sira-nia abilidade dijital no komportamentu online, no sira-nia esperiênsia ho seguransa no protesau online.


Opiniaun xave sira:

- ◇ Respondente besik sorin balu mak iha ligasaun ba Internet. Respondente menus husi metade ne'ebé uza ona Internet hatete katak sira iha ona enderesu email ida.
- ◇ Respondente foin-sa'e sira ho idade 18-34, ne'ebé hela iha área urbanu sira no iha rendimentu mensál médiu ida boot liu \$500 provavel liu atu uza Internet éin jerál, no uza Internet dala barak liu.
- ◇ Haree YouTube, uza média sosiál, no uza aplikativu mensajen mak atividade tolu komún liu entre utilizadór Internet hotu-hotu.
- ◇ Utilizasaun servisu bankáriu no karteira eletróniku sira limitadu nafatin no iha esperiênsia uitoan kona-ba asesu ba servisu online governu nian, aleinde verifika detalhe báziku sira hanesan oráriu funsionamentu.
- ◇ Respondente iha ona nivel konfiansa aas iha sira-nia abilidade atu identifika informasaun falsu ka bosok, maibé persentajen ki'ik liu informa hasoru informasaun hanesan ne'e.
- ◇ Maski maioria respondente hatoo ona konfiansa báziku iha sira-nia abilidade dijital, maibé balun informa sente fiar-a'an natón atu tulun ema seluk.
- ◇ Iha fulan neen liu ba, 28% utilizadór Internet hatete sira hetan konteúdu hostile ka hatún grupu ka individuál balun, enkuantu 20% informa esperiênsia pesoál abuzu ka asédiu.
- ◇ Maioria respondente (77%) hatoo konfiansa iha sira-nia kapasidade atu proteje sira-nia informasaun online, maibé sira-nia hahalok ne'ebé relata ona hatudu lakuna boot iha prátika seguransa no protesau dijital.

Foto husi Simao Cardoso Pereira.

Asesu no utilizaun

Respondente besik metade (51%) uza ona Internet. Utilizasaun Internet aas liu entre respondente foin-sa'e sira ho idade 18-34 (69%, kompara ho 11% sira ne'ebé ho idade 55+), sira ne'ebé hela iha área urbanu sira (76%, kompara ho 40%) no sira ne'ebé iha rendimentu mensál média ida boot liu \$500 (87%, kompara ho 40% sira ne'ebé ho rendimentu mensál liu \$100). Padraun demográfiku ne'e haree ona ho forma konsistente iha maioria aspetu sira dijitalizasaun nian.




Respondente menus sorin balu iha smartphone ida (38%). Posse smartphone aas entre mane sira (40%, kompara ho 35% feto sira), respondente foin-sa'e sira ho idade 18-34 (48%, kompara ho 11% sira ne'ebé ho idade 55+), sira ne'ebé hela iha área urbanu sira (42%, kompara ho 36% iha área rurál sira) no sira ne'ebé iha rendimentu mensál média ida boot liu \$500 (65%, kompara ho 31% sira ne'ebé ho rendimentu mensál liu \$100).

Entre respondente ne'ebé uza ona Internet, maioria (90%) bele asesu sinál dadus telemóvel ida hosi sira-nia uma no maioria (90%) uza ona sira-nia kuota dadus telemóvel ba asesu. To'o oras ne'e dezafiu prinsipál ema sira ne'ebé uza ona Internet hasoru mak koneksaun rede la estável (71%), tuir fali hasoru restrisaun kustu pakote/kuota dadus (18%). Respondente persentajen ki'ik ida (9%) asesu ona Internet ho wifi iha uma. Telemor (71%) mak fornecedor servisu ne'ebé baibain ema uza atu asesu Internet.




Entre sira ne'ebé uza ona Internet, maioria respondente (61%) gasta ona menus hosi \$10 fulan ida atu asesu Internet. Grupu sira tuir mai gasta ona montante boot ba asesu Internet:


- ◇ Respondente foin-sa'e sira ho idade 18-34 (38% gasta ona liu \$10 fulan ida, kompara ho 24% sira ne'ebé ho idade 55+);
- ◇ Respondente iha área urbanu sira (51% gasta ona liu \$10 fulan ida, kompara ho 27% iha área rurál sira);
- ◇ Respondente ho rendimentu mensál médiu ida boot liu \$500 (76% gasta ona liu \$10 fulan ida, kompara ho 27% iha rendimentu ida ki'ik liu \$100).



Besik um-kuartu (23%) ema sira ne'ebé asesu ona Internet uza ona menus hosi oras ida loron ida, enkuantu 30% uza ona durante oras 1-2 loron ida no 47% uza ona durante oras 2 loron ida.




Respondente menus husi metade (44%) ne'ebé uza ona Internet iha ona enderesu email ida. Entre sira ne'ebé uza ona Internet, 57% hatete sira uza atu hare'e YouTube 'dala barak' ka 'dala barak tebes', enkuantu 55% hosi sira uza ona ba média sosiál 'dala barak' ka 'dala barak tebes'. Persentajen ida ki'ik uitoan uza ona Internet ba aplikativu ka servisu mensajen 'dala barak' ka 'dala barak tebes' (45%). Utilizasaun servisu mensajen no média sosiál aas liu entre respondente ho idade 18-34, sira ne'ebé hela iha área urbanu sira no sira ne'ebé iha rendimentu mensál média ida boot liu \$500.




Hanesan hatudu iha gráfiku iha kraik, tipu informasaun prinsipál sira ne'ebé respondente buka iha Internet mak notisia online sira (45% 'dala barak' ka 'dala barak tebes'), oportunidades servisu (38%) no informasaun ba objetivu edukasaun nian (35%). Frekuénsia utilizaun Internet atu buka maioria tipu informasaun aas liu entre respondente foin-sa'e sira ho idade 18-34, sira ne'ebé hela iha área urbanu sira no sira ne'ebé iha rendimentu mensál média ida boot liu \$500.

FREKUÉNSIA UTILIZASAUN INTERNET BA TIPU INFORMASAUN SIRA




Majoria respondente ne'ebé uza ona Internet dala barak la uza ba objetivu divertimentu. Um-terasu (33%) respondente dala barak uza Internet atu rona múzika ka podcasts, enkuantu uitoan liu uza atu hare'e servisu streaming/video (19%), kompras online (13%) ka halimar jogus online (6%). Utilizasaun Internet ba objetivu divertimentu hotu-hotu aas liu entre respondente ho idade 18-34.

FREKUÉNSIA UTILIZASAUN INTERNET BA DIVERTIMENTU



Utilizasaun Internet ba objetivu servisu limitadu uitoan entre sira ne'ebé uza ona Internet. Respondente uza ona Internet regularmente liu ba mensajen iha servisu (28% 'dala barak' ka 'dala barak tebes'). Maibé, maioria respondente nunka haruka email (62%), asesu aplikativu online sira (64%) ka partisipa sorumutu online sira (73%) ba servisu.


FREKUÉNSIA UTILIZASAUN INTERNET BA SERVISU



Servisu finanseiru/ teknolojia finanseiru

Ema sira ne'ebé uza ona Internet minoria ida de'it mak uza servisu bankáriu liuhosi Internet (13%) ka servisu karteira eletrónika (7%) 'dala barak' ka 'dala barak tebes'. Maioria ema sira ne'ebé uza ona Internet la uza liu servisu bankáriu Internet (73%) ka servisu karteira eletrónika (69%). Enkuantu nivel utilizaun kontinua ki'ik, rezultadus *Tatoli! 2025* nian hatudu katak bele iha aumentu boot ida iha adopsaun servisu bankáriu Internet no karteira eletrónika kompara ho dadus anteriór sira hosi Banco Central de Timor-Leste (BCTL).¹⁶

Utilizaun servisu finanseirus online komún liu entre sira ne'ebé hela iha área urbanu sira (19% informa uza servisu bankáriu Internet no 12% informa uza servisu karteira eletrónika 'dala barak' ka 'dala barak tebes', kompara ho 8% ba servisu bankáriu Internet no 6% ba karteira eletrónika iha área rurál sira).Sira ne'ebé uza ona servisu karteira eletrónika komún liu uza ona Mosan (86%).



Servisu sira Governu nian

Um-tersu de'it (33%) hosi respondente ne'ebé uza ona Internet hatene kona-ba servisu dijitál governu nian ne'ebé disponivel iha Timor-Leste. Konsiénsia aas liu entre sira ne'ebé hela iha área urbanu sira (42%, kompara ho 25% iha área rurál sira) no iha rendimentu mensál média uma-kain boot liu \$500 (62%, kompara ho 29% ho rendimentu menus husi \$100).

Minoria de'it husi sira ne'ebé uza ona Internet uza servisu sira governu nian ruma liuhosi website ka aplikasaun iha fulan neen liu ba – babain asesu ba informasaun kona-ba servisu ka oráriu servisu hosi website governu nian (31%). Persentajen boot husi respondente (44%) ne'ebé hatán 'la hatene' provavelmente reflete menus opsaun ida 'la asesu', envés de inserteza kona-ba sira-nia atividade.


UTILIZAUN SERVISU SIRA GOVERNU NIAN LIUHOSI WEBSITE KA APLIKATIVU IDA IHA FULAN NEEN LIU BA



¹⁶ Tuir dadus Banco Central de Timor-Leste (BCTL) nian, kliente banku 1.2% de'it mak rejistadu atu uza servisu bankáriu Internet iha 2022. Hanesan ne'e mos, 10-15% de'it utilizadór karteira eletrónika mak informa halo pelumenus transasaun ida kada trimestre. Importante atu rekoñese katak dadus BCTL ne'e la direktamente komparável ho *Tatoli! 2025*. Haree Banco Central de Timor-Leste (BCTL). 2023. *Getting Ready for the Next Digital Breakthrough: Financial Inclusion Report 2022*.


Literasia dijitál, misinformasaun no disinformasaun

Maioria (64%) ema sira ne'ebé uza ona Internet iha 'fiar-an uituan' ka 'fiar-an tebes' katak sira bele identifika ka rekoñese notisia ka informasaun ne'ebé sala ka falsu. Konfiansa iha identifikasaun informasaun sala ka hoax aas liu entre respondente ho idade 18-34 (64%, kompara ho 56% sira ne'ebé ho idade 55+), sira ne'ebé hela iha área urbanu sira (77%, kompara ho 54%) no sira ne'ebé iha rendimentu mensál média ida boot liu \$500 (79%, kompara ho 61% ho rendimentu menus liu \$100).



Kuaze metade (44%) husi respondente sira ne'ebé uza ona Internet relata katak haree ona informasaun ka konteúdu online ne'ebé sira konsidera la loos ka dúvida iha sítu notisia internet ka média sosiál. Grupu sira tuir mai provavelmente liu haree ona informasaun la loos ka dúvida:

- ◇ Respondente ho idade 18-34 (46%, kompara ho 16% sira ne'ebé ho idade 55+);
- ◇ Respondente iha área urbanu sira (54%, kompara ho 35% iha área rurál sira);
- ◇ Respondente ho rendimentu mensál médiu ida boot liu \$500 (64%, kompara ho 38% ho rendimentu menus liu \$100).




Besik (97%) sira hotu-hotu ne'ebé hatete sira haree ona informasaun la loos ka duvidoza hetan informasaun ne'e iha Facebook. Nu'udar hatudu iha gráfiku iha kraik, persentajen boot ida mós informa hetan informasaun la lo'os ka duvidoza iha YouTube, WhatsApp no TikTok.

Respondente dala barak liu hetan informasaun falsu ka sala kona-ba política ka eleisaun sira (50%), asuntu ekonómiku (44%), no saúde pública (37%).

Sira ne'ebé uza ona Internet besik sorin balu (48%) sente katak ezisténsia notísia ka informasaun online ne'ebé sala ka hoax nu'udar problema sériu ida iha Timor-Leste. Maibé, besik um kuartu de'it (27%) mak verifika ona informasaun ka konteúdu loos ka la loos ne'ebé sira hetan iha sítiu Internet ka média sosiál durante fulan neen liu ba.

SITU SIRA NE'EBÉ IHA INFORMASAUN NE'EBÉ SUSPEITA LA LO'OS KA DÚVIDA



TÓPIKU INFORMASAUN LA LOS KA DÚVIDA 10 NE'EBÉ BOOT LIU




Sira ne'ebé verifika ona informasaun ninia loos komún liu verifika informasaun ne'e liu hosi média sosiál (72%), liu hosi buka informasaun online (50%) ka liu hosi diskute matéria offline ho belun sira ka ema seluk (42%). Sira ne'ebé la verifika informasaun loos ka la loos tanba sente sira hatene ona informasaun ne'e, konteúdu ka fonte ne'e la loos (48%), sira la hanoín ne'e importante atu verifika (46%) ka sira la hatene atu buka iha ne'ebé atu verifika (35%).


Sira ne'ebé uza ona Internet minoria de'it (17%) mak rekoñese katak sira partilla ka habelar ona novidade ka informasaun ne'ebé ikus mai sai fali hoax ka la loos. Respondente barak iha área urbanu sira (20%, kompara ho 14% iha área rurál sira) no ho rendimentu mensál médiu ida boot liu \$500 (39%, kompara ho 11% ho rendimentu menus liu \$100) partilla ona ka habelar ona informasaun la loos.

Abilidade dijital


Nu'udar hatudu iha gráfiku iha kraik, tarefa dijital sira ne'ebé respondente mak uza ona Internet konfia liu atu halo inklui download no loke arkivu sira (67% bele halo rasik), liga sira-nia aparellu ba wifi/Internet (64%), upload arkivu sira (64%) no atualiza aplikasaun sira iha sira-nia telefone (62%). Respondente foin-sa'e sira ho idade 18-34, sira ne'ebé hela iha área urbanu sira no sira ne'ebé iha rendimentu mensál média ida boot liu \$500 relata konfiansa boot liu sira bele halo abilidade dijital ida-idak laho asisténsia.

ABILIDADE DIJITAL SIRA





Respondente minoria ida de'it (22%) ne'ebé simu ona formasaun formál ruma iha abilidade dijital, maioria hosi sira (20%) simu ona formasaun liu hosi instituisaun edukasaun sira.



Étika no kultura dijital


Liu um-kuartu (28%) ema sira ne'ebé uza ona Internet hetan mensajen online sira ne'ebé sira konsidera hostile ka hatún hasoru grupu ema ka individuál sira iha fulan neen ikus ne'e. Respondente ho idade 18-34 (31%, kompara ho 13% sira ne'ebé ho idade 55+), hela iha área urbanu sira (39%, kompara ho 20%), hela iha Dili (47%, kompara ho 16% fora husi Dili) no ho rendimentu mensál médiu ida boot liu \$500 (54%, kompara ho 18% ho rendimentu menus liu \$100) provavel liu atu relata hetan tipu mensajen sira ne'e.

Respondente sira komún liu haree mensajen sira ne'ebé ataka individuál sira tanba sira-nia opiniaun politika no sosiál (50%), orientasaun seksuál ka identidade jéneru (33%) ka tanba sira feto (32%).

Esperiénsia pesoál kona-ba asédiu ka abuzu online mós boot, ho 20% respondente ne'ebé uza ona Internet hatete katak sira pesoalmente hasoru ona asédiu ka abuzu online iha fulan neen liu ba. Respondente foin-sa'e sira (23% respondente ho idade 18-34, kompara ho 16% sira ne'ebé ho idade 55+), sira ne'ebé hela iha área urbanu sira (26%, kompara ho 14% iha área rural sira), respondente ne'ebé hela iha Dili (30%, kompara ho 12% iha Dili li'ur) no sira ne'ebé iha rendimentu mensál média ida boot liu \$500 (35%, kompara ho 16% ho rendimentu menus liu \$100) hasoru ona asédiu ka abuzu online.

Nu'udar hatudu iha gráfiku iha kraik, sira ne'ebé hasoru ona asédiu ka abuzu online komún liu hasoru ona linguajen insultu ka ofensivu (79%), ameasa violénsia fiziku ka seksuál (54%) ka husu ka hatoo mensajen seksuál ne'ebé ema la gosta (22%).


RAZAUN SIRA BA ASÉDIU KA ABUZU ONLINE




TIPU ASÉDIU KA ABUZU ONLINE NE'EBÉ PESOALMENTE HASORU ONA



Maioria (76%) respondente ne'ebé uza ona Internet preokupa kona-ba asédiu ka abuzu bainhira uza plataforma online sira. Preokupasaun aas liu entre respondente ho idade 18-34 (78%, kompara ho 69% sira ne'ebé ho idade 55+), sira ne'ebé hela iha área urbanu sira (85%, kompara ho 70% iha área rurál sira) no sira ne'ebé hela iha Dili (84%, kompara ho 71% iha Dili li'ur).




Bainhira husu kona-ba sira-nia involvimentu rasik iha hahalok online la saudavel, maioria respondente ne'ebé uza ona Internet hatete sira nunka involvidu iha kualkér hahalok ne'ebé ezamina ona. Hosi hahalok sira ne'ebé alista ona, respondente komún liu informa halo komentáriu ho liafuan maka'as ka negativu bainhira ema seluk halo postajen online negativu ruma (16% informa halo komentáriu sira hanesan ne'e 'dala barak' ka 'dala barak tebes') no partilla imajen gráfiku online kona-ba ema sira ne'ebé involvidu iha asidente tráfiku motór ka dezastre naturál sira (ho 13% informa sira 'dala barak' ka 'dala barak tebes' envolvidu iha hahalok sira ne'e).



Seguransa no protesaun

Maioria (77%) ema sira ne'ebé uza ona Internet konfia iha sira-nia kapasidade atu proteje sira-nia informasaun pesoál online. Konfiansa aas liu entre respondente foin-sa'e sira ho idade 18-34 (81%, kompara ho 63% sira ne'ebé ho idade 55+), sira ne'ebé hela iha área urbanu sira (83%, kompara ho 73% iha área rurál sira), sira ne'ebé hela iha Dili (87%, kompara ho 70% fora husi Dili) no sira ne'ebé iha rendimentu mensál média ida boot liu \$500 (93%, kompara ho 76% ho rendimentu menus liu \$100).




Bainhira husu kona-ba hahalok online seguru saida mak sira halo ka bele halo, respondente komún liu informa sira bele uza password ida atu taka no loke sira-nia aparelu sira (65%), kria password seguru (52%) no limita asesu ba sira-nia perfil ka konteúdu média sosiál (50%). Maibé, respondente uitoan liu mak hatene oinsá identifika korreiu eletrónika ka SMS ne'ebé iha spam, virus ka malware (22%), blokeia ka filtra tipu konteúdu online (19%) ka relata abuzu iha média sosiál (17%).



Bainhira husu kona-ba hahalok online la seguru, respondente liu um-tersu de'it (37%) ne'ebé uza ona Internet upload ona dados pesoais, hanesan sira-nia enderesu, número telefone, data moris, ba média sosiál. Respondente besik 14% post ona fotografia sira-nia pasaporte ka karta kondusaun nian iha média sosiál.

Pursentu sanulu-resin-ida (11%) informa katak sira ka sira-nia família ema lohi tiha atu fó informasaun pesoál ka finanseiru. Feto barak (14%, kompara ho 8% mane sira), sira ne'ebé hela iha área urbanu sira (16%, kompara ho 7% iha área rurál sira) no sira ne'ebé iha rendimentu mensál média ida boot liu \$500 (22%, kompara ho 8% ho rendimentu menus liu \$100) informa katak ema lohi sira atu fó informasaun pesoál ka finanseiru.

TIPU HAHALOK ONLINE LA SEGURU NE'EBÉ HALO ONA/HASORU ONA



Nu'udar hatudu iha gráfiku iha kraik, sira ne'ebé ema lohi atu fó informasaun pesoál ka finanseiru online komún liu experimeta sira-osan ema hasa'i hosi sira-nia konta (49%) ka komunikaun suspeitu ka ameadór (42%) nu'udar konsekuénsia.

REZULTADU HOSI EMA LOHI ATU FÓ INFORMASAUN PESOÁL KA FINANSEIRU ONLINE



Labarik sira no Internet

Entre sira ne'ebé iha oan ho idade 18 mai kraik iha sira-nia uma-kain, besik um-tersu (35%) informa sira-nia oan uza Internet. Labarik sira ne'ebé uza Internet komún liu iha área urbanu sira (48%, kompara ho 29% iha área rurál sira).

Preokupasaun kona-ba risku sira ba labarik sira ne'ebé uza Internet aas tebetebes (97% 'preokupa' ka 'preokupa tebes').

PREOKUPASAUN KONA-BA RISKU SIRA HOSI LABARIK SIRA UZA INTERNET




Respondente ne'ebé uza ona Internet sente katak esposisaun ba konteúdu seksuál (51%) no violentu, fakar-ra'an ka gráfiku (46%) mak risku boot liu ba labarik sira ne'ebé uza Internet.

RISKU BOOT LIU BA LABARIK SIRA NE'EBÉ UZA INTERNET




Entre respondente ne'ebé uza ona Internet no iha oan, maioria (77%) hatete sira sente iha konfiansa atu diskute seguransa online ho sira-nia oan sira, inklui ameasa potenciál sira no forma sira atu kontinua seguru. Konfiansa iha diskusan seguransa online ho oan sira aas liu entre fetu sira (81%, kompara ho 74% mane sira), respondente ho idade 18-34 (79%, kompara ho 55% sira ne'ebé ho idade 55+), respondente iha área urbanu sira (81%, kompara ho 74% iha área rurál sira) no sira ne'ebé iha rendimentu mensál média ida boot liu \$500 (88%, kompara ho 76% ho rendimentu menus husi \$100).



Aneksu


Aneksu A: Perfil respondente nian

Perfil respondente nian iha kraik bazeia ba dadus ne'ebé seidauk pondera ka tetu (kontajen brutu respondente, la ajusta atu refilete populasau Timor-Leste).



Estatutu defisiénsia nian

Uza definisaun Washington Group nian, klasifika ona respondente nu'udar iha defisiénsia ida bainhira sira hatudu 'difikuldade barak ka 'labele halo liu kedas' ba kualkér pergunta sira iha kraik.¹⁷ Ém jerál, klasifika ona 8% respondente nu'udar iha defisiénsia ida.



¹⁷ <https://www.washingtongroup-disability.com/fileadmin/uploads/wg/WGDocument5E-AnalyticGuidelinesfortheWG-SSSeverityIndicators-SPSS.pdf>

Aneksu B: Metodolojia

Oinsá dezenvolve keſtionáriu?

Fundasaun Ázia lidera dezenvolvimentu keſtionáriu, ho ORIMA Research fó asesoria bainhira adekuadu. Pergunta sira hasai hosi peskiza ida uluk ne’ebé Fundasaun Ázia halo ona, inklui levantamentu *Tatoli!* sira uluk no Levantamentu Persepsaun Seguransa Protesaun no Justisa Timor-Leste, no konsulta ho parte interesadu sira no comunidade. Fundasaun Ázia supervizona programasaun no tradusaun keſtionáriu ba Kit Dadus Abertu/Open Data Kit (ODK), no plataforma software levantamentu kódigu-abertu.

Oinsá dezenvolve estrutura amostra nian no oinsá ninia efikásia?

Iha 2025, Fundasaun Ázia servisu hamutuk ho Institutu Nasionál Estatística Timor-Leste (INETL) atu dezenvolve estrutura amostrajen ba *Tatoli!* 2025. Levantamentu ne’e estrevista ona respondente adultu 1,503 (18+) hosi munisípiu 14 hotu-hotu. Estratífika ona amostra bazeia ba munisípiu no lokalidade urbanu/rurál ho áreas enumerasaun hosi Sensus Nasionál Populasaun no Uma-kain Timor-Leste 2022 nu’udar baze ba selesaun respondente. Áreas enumerasaun mak área jeográfika ki’ik define bazeia ba tamañu populasaun.

Halo ona levantamentu ne’e liu hosi entrevista direta iha nivel área enumerasaun. Hili ona área enumerasaun ho forma aleatóriu iha kada munisípiu laran ho bazeia ba lokalidade rurál ka urbanu. Iha kada área enumerasaun laran, hili ona uma-kain sira ho forma aleatóriu, uza listajen uma-kain INETL nian. Hili ona adultu ida ho forma aleatóriu hosi kada uma-kain atu partisipa.

Oinsá halo entrevista direta sira?

Atu halo traballu kampu, Fundasaun Ázia halo parseria ho Rede Peskiza no Advokasia *Timor-Leste ka Timor-Leste Research and Advocacy Network* (TRAIN). Entrevistadór barak mak uluk servisu ona iha projetu levantamentu sira ho Fundasaun. Lista detalladu ida membrus TRAIN ne’ebé partisipa apresenta ona iha Apêndise. Pesoál hosi Fundasaun halo ona *callback* ba objetivu validasaun, ne’ebé la hetan problema boot ruma. Monitorizasaun mós pesoál Fundasaun mak halo.

Halo ona maioria levantamentu sira iha dalen Tetun (n=1,086), ho dalen komún liu tuir mai mak Baikenu (n=113), Mambae (n=92), Makasae (n=83), Tokodede (n=44), Bunak (n=35) no Fatuluku (n=18). Levantamentu sira seluk (n=31) halo ona ho dalen sira seluk.

LISTA AMOSTRA	1,526
LAKOHI	23
KONJUNTU DADUS FINÁL	1,503
TAXA RESPOTA	100%
TRABALLU KAMPU HAHÚ	3 Feb 2025
TRABALLU KAMPU RAMATA	27 Feb 2025
DURASAUN MEDIANU ENTREVISTA NIAN ¹⁸	1h 8m
NÚMERU ENTREVISTADÓR	68

¹⁸ Kalkula ona durasaun medianu hafoin hasa’i tiha kazu 236 iha ne’ebé durasaun entrevista nian inválidu ka durasaun liu oras tolu, provavel liu tanba la hanehan botaun final ‘submit’.

Medida saida mak foti ona atu garante dadus ne’e representativu ba populasaun Timor-Leste?

Dezeña ona peskiza ne’e atu bele sai representativu posível ba populasaun adultu (18+) Timor-Leste hanesan Sensus 2022 define ona. Konsiderasaun sira iha amostrajen inklui ona nesesidade atu permite komparasaun sira entre munisípiu sira, no mós atu sai prátiku iha periodu tempu relativamente badak ho amostra limitadu.

Halo ona ponderasaun ba amostra ne’e ba parámetru populasaun nian nu’udar define ona iha sensus 2022. Ne’e atu korrije viés resposta nian hosi klaran ho idade respondente, no mós foti amostra menus uitoan iha área urbanu sira. Ponderasaun Métodu Iterativu (RIM) uza pakote anesrake iha R studio hili ona nu’udar métodu ponderasaun apropiadu liu hodi konsidera komparabilidade aban-bainrua, simplisidade no reprezentasaun populasaun nian. Variável sira ne’ebé uza ba ponderasaun, proporsaun iha populasaun laran ne’ebé seidauk halo ponderasaun hatudu iha sorin lo’os.

Medida prosesamentu dadus saida mak halo ona?

Bainhira ORIMA simu ona dadus ne’e, maka hola medida prosesamentu dadus tuir mai:

- ◇ Halo ona verifikasaun duplikadu no verifikasaun lalais.
- ◇ Resposta ba perguntas kona-ba sekuénsia karáter sira iha Tetum Fundasaun tradúz ona.
- ◇ Resposta ‘La hatene’ iha pergunta ne’ebé eziji resposta múltipla halo sai eskruzivu tiha.

	POPULASAUN (n= 779,880)	TATOLI 2025 UW (n=1,503)
Idade		
18-24	25%	10%
25-34	26%	19%
35-44	17%	22%
45-54	14%	20%
55-64	8%	14%
65 no boot liu	10%	14%
Jéneru		
Mane	50%	51%
Feto	50%	49%
Fatin		
Rurál	70%	69%
Urbanu	30%	31%
Munisípiu		
Aileu	4%	5%
Ainaro	5%	6%
Atauro	1%	2%
Baucau	10%	10%
Bobonaro	8%	8%
Covalima	6%	7%
Dili	26%	15%
Ermera	10%	9%
Lautem	5%	6%
Liquica	6%	6%
Manatuto	4%	5%
Manufahi	4%	6%
Oecussi	6%	8%
Viqueque	6%	7%

- ◇ Halo ona kodifikasaun inversu bainhira apropiadu.
- ◇ Verifika no modifika ona label ka rótulu variável no valór rótulu nian ba objetivu halo relatóriu.
- ◇ Halo ona ponderasaun hanesan iha leten.

Resposta sira ne’ebé hatudu tipu laiha resposta (hanesan ‘La hatene’, ‘La aplikavel’ no ‘Lakohi’) inklui ona iha baze iha relatóriu ne’e, hanesan iha tinan sira uluk.


To’o iha ne’ebé hau bele fiar rezultadu sira?

Marjen erru estatística sura ho proporsaun persentajen ida hamutuk 50% iha nivel konfiansa 95%. Númeru sira iha textu laran ne’ebé marka ona nú’udar diferente entre sub-grupu sira deskobre ona nú’udar signifikativu ba pelumenus kategoria seluk ida bainhira uza Welch T-test iha intervalu konfiansa 95% iha interfase CTables SPSS nian. Análise diferença entre sub-grupu sira depende ba marjen erru aas liu no teste sira konsidera ida ne’e. Maibé, tenke uza sira nú’udar gia jerál ida de’it. La marka teste sira bainhira laiha diferença sub-grupu.

Marjen erru iha intervalu konfiansa 95% ba kada munisípiu

MUNISIPIU	TAMAÑU AMOSTRA NIAN	MARJEN ERRU (95% CI)
Nasionál	1,503	2.5%
Aileu	78	11.1%
Ainaro	97	10.0%
Atauro	24	10.2%
Baucau	144	4.2%
Bobonaro	120	4.6%
Covalima	102	9.7%
Dili	231	6.4%
Ermera	132	8.5%
Lautem	96	5.1%
Liquica	96	5.1%
Manatuto	78	5.7%
Manufahi	89	5.3%
Oecusse	114	4.7%
Viqueque	102	5.0%

Fatin Amostra levantamentu nian



Aneksu C: Rede Peskiza no Advokasia Timor-Leste

Kolesaun dados hala’o husi enumerador sira husi Rede Peskiza no Advokasia Timor-Leste (TRAIN). Membru sira husi rede TRAIN partisipa iha *Tatoli!* 2025:

Forum Tau Matan (FTM)

FTM nu’udar organizasaun naun-governamental (ONG) ne’ebé halo operasaun iha Munisipiu Aileu. Sira implementa hela programa prinsipál rua: monitorizasaun no advokasia atu hametin sistema judisiáriu ba foin-sa’e sira, hapara labarik sira-nia servisu, no eduka direitus umanus no peskiza sosiál. Organizasaun ne’e harii iha tinan 2003 no sai membru ba rede TRAIN iha tinan 2018. Hanesan parte husi TRAIN, sira hala’o serbisu enumerasaun edisaun da-neen (2018), hitu (2022), ualu (2023) no sia (2025) *Tatoli!* nian. Sira mós partisipa iha programa Auditoria Sosial kona-ba edukasaun ne’ebé implementa husi TAF no FONGTIL iha tinan 2017-2018, Survey Servisu Finanseiru 2020 husi Banku Sentral Timor-Leste, no survey Seguransa, Protesun no Justisa nian iha tinan 2022.

Diretora: Eduarda Martins

Munisipiu: Aileu

Lian lokal: Mambae

Maubisse Hametin Future (MAHARU)

Maharu nu’udar ONG rejistradu ida-ne’ebé opera iha Munisipiu Ainaro, ne’ebé foka liu ba edukasaun, kondisaun moris, bee no saneamentu. Organizasaun ne’e harii iha tinan 2003 no sai membru ba rede TRAIN iha tinan 2015 no hola parte iha TAF nia Peskiza Persepsaun Polisia Komunitaria iha tinan 2015 no iha tinan 2018. Nu’udar membru ba TRAIN, Maharu hala’o ona servisu enumerasaun ba TAF nia *Tatoli!* Peskiza Persepsaun Publika iha dalimak (2016), da-neen (2018), da-hitu (2022), da-ualu (2023) no da-sia (2025). Aleinde ne’e, organizasaun ne’e mos partisipa iha Peskiza Servisu Finanseiru Banku Sentral Timor-Leste nian iha tinan 2020, peskiza PNDS nian iha tinan 2016, peskiza kona-ba Rai iha tinan 2017, no peskiza kona-ba Seguransa, Protesaun no Justisa iha tinan 2022.

Diretora: Bonifacio Ralmalho

Munisipiu: Ainaro

Lian lokal: Mambae

Centro Feto Haburas Dezenvolvimentu (CFHD)

CFHD nu’udar ONG rejistu ida-ne’ebé opera iha Munisipiu Baucau, foka liu ba advokasia no prevensaun iha ekonomia no empodera feto vulneravel sira liuhosi empreza ki’ik sira. Organizasaun ne’e harii iha tinan 2010 no sai membru ba rede TRAIN iha tinan 2015 no hola parte iha TAF nia Peskiza Polisia Komunitade nian iha tinan 2015 no 2018. Nu’udar membru ba TRAIN, CFHD hala’o ona servisu enumerasaun ba TAF nia peskiza *Tatoli!* Persepsaun Publika iha dalimak (2016), da-hitu (2022), da-ualu (2023) no da-sia (2025). Organizasaun ne’e mós partisipa iha Peskiza Servisu Finanseiru Banku Sentral Timor-Leste nian iha tinan 2020, peskiza PNDS nian iha tinan 2016, no peskiza kona-ba Seguransa, Seguransa no Justisa TAF nian iha tinan 2022.

Diretora: Teresa Pereira

Munisipiu: Baucau

Lian lokal: Makasae

Hametin Asaun Dezenvolvimentu Edukasaun no Ekonomia Rurál (HADEER)

HADEER nu’udar ONG rejistradu ida-ne’ebé opera iha Munisipiu Bobonaro, ne’ebé foka liu ba ekonomia rurál no edukasaun. Organizasaun ne’e harii iha tinan 2006 no sai membru ba rede TRAIN iha tinan 2016 no hola parte iha TAF nia Peskiza Persepsaun Polisia Komunitade iha tinan 2018. Nu’udar membru ba TRAIN, HADEER hala’o ona servisu enumerasaun ba TAF nia peskiza *Tatoli!* Persepsaun Publika iha dalimak (2016), da-neen (2018), da-hitu (2022), no da-ualu (2023). Organizasaun ne’e mós hola parte iha pilotu auditoria sosiál kona-ba agrikultura, liuliu qualidade foos fini, iha 2016, no mós iha programa Auditoria Sosial 2017-2018 kona-ba agrikultura ne’ebé implementa husi TAF no FONGTIL, peskiza PNDS iha 2016, Peskiza Servisu Finanseiru Banku Sentral Timor-Leste nian iha 2020, no peskiza kona-ba Seguransa, Seguransa no Justisa TAF nian iha 2021.

Diretora: Abel Pereira Mau Reci

Munisipiu: Bobonaro

Lian lokal: Kemak and Bunak

Centro Comunidade Covalima (CCC)

CCC nu’udar organizasaun rejistradu ida-ne’ebé servisu iha Munisipiu Covalima, ne’ebé harii iha tinan 2000 ho fokus ba edukasaun no empoderamentu feto. Hahú kedas husi estabesimentu rede TRAIN iha 2015, CCC partisipa ona iha servisu halibur dados husi TAF, inklui Peskiza Polisia Komunitade nian ba Persepsaun iha 2015 no 2018, *Tatoli!* Peskiza Persepsaun Publika iha 2016, 2018, 2022, 2023, no 2025, Peskiza Servisu Finanseiru Banku Sentral nian iha 2020, peskiza PNDS iha 2016, no Peskiza Seguransa, Seguransa no Justisa iha 2022.

Diretora: Alberto Barros de Jesus

Munisipiu: Covalima

Lian lokal: Tetum Terik and Bunak

Mata Dalan Institute (MDI)

MDI nu’udar organizasaun rejistradu ida-ne’ebé harii iha tinan 2005 no opera iha Munisipiu Dili, Likisa no Manatuto. Foka liu ba programa edukasaun sívika, monitorizasaun no advokasia, no haforsa comunidade. Hahú kedas husi estabesimentu rede TRAIN iha 2015, MDI hola parte ona iha TAF nia Peskiza Persepsaun Publika iha 2016, 2018, 2022, no 2023, Peskiza Servisu Finanseiru Banku Sentral nian iha 2020, peskiza kona-ba Rai iha 2016, peskiza kona-ba PNDS iha 2017, no programa Auditoria Sosial kona-ba infraestrutura iha munisípiu Likisa no Manatuto ne’ebé finansia husi UE no implementa husi TAF no FONGTIL iha 2017-2018. MDI mós partisipa iha Peskiza Internasional ba Vizitador sira iha 2017, 2018, 2019, 2020, 2021, no 2022, peskiza MSME nian iha 2020, 2021, no 2022, peskiza via telemovel kona ba Covid-19 nian husi 1-8 iha 2020-2021, no peskiza seguransa ai-han movel iha 2022.

Diretora: Estevanus Coli

Munisipiu: Dili

Lian lokal: Tetum

Matadalan Survey and Research Institute (M-SRI)

Matadalan Survey and Research Institute (M-SRI) mak instituisaun levantamentu no peskiza ida-ne'ebé harii iha tinan 2023. M-SRI foka liu ba hala'o lavantamentu no peskiza iha setór oin-oin hodi suporta Governu Timor-Leste no setór privadu hodi responde ba dezafiu dezvoltimentu nasional sira. M-SRI kolabora ho governu hodi identifika problema no dezafiu sosial sira no fornese dados no informasaun kredivel sira hodi rezolve kestaun dezvoltimentu sira iha Timor-Leste. Hola parte iha TAF nia Survey Siosu-Ekonomiku no Ben-estar iha 2023 no *Tatoli!* iha 2025. Aleinde ne'e, Institutu ne'e hala'o ona peskiza politika no serve hanesan observador iha eleisaun prezidensial no parlamentár.

Diretora: Jose Maria Guterres

Munisipiu: Dili

Lian lokal: Tetum

Timor-Leste Coalition for Education (TLCE)

TLCE nu'udar organizasaun sumbrina ida-ne'ebé harii iha Dili iha tinan 2009 hodi koordena no suporta organizasaun sira ne'ebé servisu iha setór edukasaun iha Timor-Leste. TLCE inklui iha rede TRAIN iha 2018 no dezde ne'e partisipa ona iha projetu kolesaun dados oin-oin ho TAF, inklui Peskiza Persepsaun Polisia Komunitaria (2018), *Tatoli!* Peskiza Persepsaun Publika (2023), Peskiza Servisu Finanseiru Banku Sentral (2020), Programa Auditoria Sosial kona-ba Edukasaun ne'ebé implementa husi TAF no FONGTIL (2017-2018), no Peskiza Seguransa, Protesaun no Justisa (2022).

Diretora: Jose Monteiro

Munisipiu: Dili

Lian lokal: Tetum

Institutu Matadalan Integradu (IMI)

IMI harii iha 2008 hanesan organizasaun rejistradu ida-ne'ebé foka liu ba edukasaun, agrikultura no advokasia iha Ermera. IMI partisipa ona iha servisu halibur dados husi TAF dezde 2017, inklui Survey Persepsaun Seguransa, Seguransa no Justisa 2022, *Tatoli!* Iha tinan 2022, 2023, no 2025, Peskiza Servisu Finanseiru Banku Sentral (2020), no programa Auditoria Sosial kona-ba edukasaun ne'ebé implementa husi TAF no FONGTIL (2017-2018).

Diretora: Elias Oliveira

Munisipiu: Ermera

Lian lokal: Mambae

Fundasaun Amizade Tanba Amor (FUNDAMOR)

FUNDAMOR nu'udar organizasaun ida-ne'ebé rejistu iha tinan 2007 no foka liu ba hadi'a edukasaun iha Munisipiu Lautem. Hahú kedas hola parte ba rede TRAIN iha 2018, FUNDAMOR partisipa ativamente iha esforsu kolesaun dados TAF nian, inklui Peskiza Polisia Komunitade (2018), Levantamentu *Tatoli!* Persepsaun Publika (2018, 2022, 2023, 2025), Levantamentu Servisu Finanseiru Banku Sentral (2020), programa Auditoria Sosial kona-ba edukasaun ne'ebé finansia husi UE no implementa husi TAF no FONGTIL iha 2017-2018, no Peskiza Seguransa, Protesaun no Justisa (2022).

Diretora: Angelina dos Santos

Munisipiu: Lautem

Lian lokal: Fataluku

Fundasaun Moris Foun (FMF)

FMF, ONG ida-ne'ebé rejistradu iha Munisipiu Likisa, harii iha 2003 ho fokus ba direitu umanu, saúde no edukasaun. Hahú kedas husi tinan 2015, FMF partisipa ona iha servisu kolesaun dados husi TAF, inklui Peskiza Polisia Komunitade (2015 no 2018), Levantamentu *Tatoli!* Persepsaun Publika (2016, 2018, 2022, 2023, 2025), Programa Auditoria Sosial kona-ba Edukasaun ne'ebé finansia husi UE no implementa husi TAF no FONGTIL (2017-2018), Peskiza Servisu Finanseiru ba Banku Sentral (2020), Peskiza PNDS iha 2016, no Levantamentu Seguransa, protesaun no Justisa (2022).

Diretora: Graciana da Silva

Munisipiu: Liquica

Lian lokal: Tokodede

Asosiasaun Feto ba Furutu (AFF)

AFF hanesan organizasaun naun-governamental ida-ne'ebé harii iha 2009 ne'ebé foka liu ba empoderamentu ekonómiku feto sira-nian iha Munisipiu Manatuto. Organizasaun ne'e rejistradu no hola parte ona iha servisu kolesaun dados TAF nian dezde rede TRAIN harii iha 2015. Sira-nia partisipasaun inklui Levantamentu Persepsaun Polisia Komunitade (2015 no 2018), Levantamentu *Tatoli!* Persepsaun Publika (2016, 2018, 2022, 2023 no 2025), peskiza PNDS iha 2016, Peskiza Servisu Finanseiru Banku Sentral Timor-Leste (2020), no Peskiza Seguransa, Protesaun no Justisa (2022).

Diretora: Eugenia da Costa

Munisipiu: Manatuto

Lian lokal: Galolen

Asosiasaun Movimentu Kablaki Timor-Leste (AMKTL)

Estabelese iha tinan 2019, AMKTL nu'udar organizasaun ida-ne'ebé rejistradu no servisu iha área agrikultura, peskiza no advokasia, edukasaun, ambiente no saúde iha Munisipiu Manufahi. Hahú kedas iha tinan 2021, AMKTL hola parte ona iha servisu kolesaun dados sira husi TAF, inklui Levantamentu *Tatoli!* Peskiza Persepsaun Publika (2022, 2023, 2025) no Levantamentu Seguransa, Protesaun no Justisa (2022).

Diretora: Vicente Sarmento

Munisipiu: Manufahi

Lian lokal: Tetum Terik no Mambae

Asosiasaun Futuru Foinsae ba Sustentabilidade (A-FFOS)

A-FFOS nu'udar organizasaun ida-ne'ebé harii iha Rejiaun Administrativa Espesial Oecusse iha tinan 2005 ho naran Juventude iha Asaun ba Sustentabilidade (YACTS), no rejistu ona iha FONGTIL no Ministeriu Justisa iha Timor-Leste iha tinan 2015. Iha 2018, organizasaun ne'e adopta naran Tetun A-FFOS. Nia programa sira foka liu ba meu moris sustentavel (inklui agrikultura, hortikultura, mikrofinansa no pekuária), protesau ambientál, bee no saneamentu, kapasitasaun, no peskiza multisetorial. Hahú kedas husi involve ba rede TRAIN, nia partisipa ona iha Peskiza Persepsaun Polisia Komunitaria iha 2015, 2016, no 2018, no peskiza *Tatoli!* iha 2025.

Diretora: Francisco Cato

Munisipiu: RAEOA

Lian lokal: Baikeno

Knua Haberan Komunidade (KHC)

KHC nu'udar ONG ida-ne'ebé rejistradu iha Munisipiu Viqueque ne'ebé harii iha 2010. Nia fokus prinsipál mak edukasaun, igualdade jêneru, no governasaun (monitorizasaun programa governu nian). Hahú kedas iha tinan 2015, KHC kolabora ona ho TAF kona-ba kolesaun dados ba levantamentu oioin, inklui Levantamentu Persepsaun Polisia Komunitaria iha tinan 2015 no 2018, pilotu Auditoria Sosial ida kona-ba Saude iha tinan 2016, peskiza PNDS iha tinan 2016, Levantamentu *Tatoli!* Persepsaun Publika iha 2016, 2018, 2022, 2023, no 2025, no Peskiza Seguransa, protesau no Justisa iha 2022.

Diretora: Agosto Pinto

Munisipiu: Viqueque

Lian lokal: Tetum Terik, Naueti no Makasae



Povu Nia Hanoi



TATOLI !

The Asia Foundation